

DISSERTATIO PHYSIOLOGICO-MEDICA
INAUGURALIS,
DE
NUTRITIONE
CORPORIS HUMANI.

QUAM,
ANNUENTE DEO TER OPT. MAX.

Ex Auctoritate Magnifici Rectoris,

D. JOANNIS VANDEN HONERT, T. H. FILII,

S. S. THEOLOGICÆ DOCTORIS, EJUSDEMQUE FACULTATIS, UT ET
HISTOR. ECCLES. IN ACAD. LUGD. BAT. PROFESSORIS ORDI-
NARIJ, ECCLESIAEQUE LEIDENSIS PASTORIS :

NEC NON

Amplissimi SENATUS ACADEMICI Consensu,

& Nobilissimæ FACULTATIS MEDICÆ Decreto,

PRO GRADU DOCTORATUS,

Summisque in MEDICINA Honoribus & Privilegiis
rite ac legitime consequendis,

Publico ac solenni examini submittit

JOANNES ROG-AAR, Amstelod. Batav.

Ad diem 19. Junii 1744. hora locoque solitis.

LUGDUNI BATAVORUM,
Apud JOANNEM VAN ABKOUDE. 1744.

THE UNIVERSITY OF CHICAGO
LIBRARY

NOTES

ON THE

THEORY OF THE
RELATIONSHIP BETWEEN
THE PHYSICAL AND
MATHematical SCIENCES

BY
J. VON NEUMANN

LECTURES
DELIVERED AT THE
UNIVERSITY OF CHICAGO
IN THE YEAR 1930

EDITED BY
J. VON NEUMANN
AND
J. H. VAN VLECK

THE UNIVERSITY OF CHICAGO
PRESS

CHICAGO, ILLINOIS
1931

VIRIS INGENUIS;
PIETATATE, ERUDITIONE, ARTE,
ATQUE EXPERIENTIA
CONSPICUIS,

D^o. CORNELIO ROG-AAR,
DIVINORUM ORACULORUM, IN PAGO
FLORENTISSIMO, ~~OO SCHUNZEN~~ DICTO,
INTERPRETI CASTISSIMO, FACUNDIS-
SIMO.

D^o. AREND ROG-AAR,
MERCATORI INTER AMSTELODAMEN-
SES SAGACISSIMO, EXPERTISSIMO.

FRATRIBUS SUIS CHARISSIMIS, SEMPER
DILIGENDIS.

U T E T

D^o. JOHANNI ROOS,
PHARMACEUTICÆ ARTIS, ATQUE CHE-
MIÆ CULTORI PERITISSIMO, DEXTER-
RIMO, PER SORORIS NUPTIAS AFFINI
EXOPTATISSIMO.

TUTORIBUS OLIM SUIS, FIDELISSIMIS,
PARENTUM LOCO SEMPER HABENDIS,
ÆSTIMANDIS.

*Hancce Inauguralem Differ-
tationem, ea qua par est,
obedientia,*

D. D. D.

JOANNES ROG-AAR,
AUCTOR.

WILSON

WILSON
WILSON
WILSON

WILSON
WILSON
WILSON

WILSON
WILSON
WILSON

WILSON
WILSON
WILSON

WILSON
WILSON
WILSON

WILSON
WILSON
WILSON

WILSON
WILSON
WILSON



JOANNIS ROG-AAR

DISSERTATIO PHYSIOLOGICO-MEDICA
INAUGURALIS.

DE

NUTRITIONE

CORPORIS HUMANI.



rtificiosissimam qui Corporis Humani fabricam contemplatur, stupidus fane summi Artificis sapientiam atque potentiam admirabitur, & uti vetustissimus jam exclamavit Zoroaster, Ὁ ἰνδρωπε, πολυμηροτάτης τῆ φύσεως ἀγαλμα (a), fateri coactus erit, nihil æque stupendum ac hominem naturam parentem produxisse unquam (b).

Qui vero considerat hanc tam vastam molem, ex tam innumeris, tam exiguis, tam teneris constare machinulis, quæ continua actione & passione deteruntur, & ex humoribus, his viribus attenuandis, dividendis, secernendis,

ex-

(a) Laurent. Anatom. p. 1. (b) Sophocles in Antigone.

6 DISSERTATIO PHYSIOLOGICO-MEDICA

excernendis, vel una cum solidis in putredinem vergentibus, atque ideo jugitur renovandis, vix satis benignam hujus Auctoris providentiam laudare poterit, qui larga nobis manu materiem præbet, qua detritæ corruptæve partes restituantur, quique eandem corpus destruentem causam, restituentem esse voluit.

Hinc dum ex lege Academica specimen aliquod studiorum meorum edere tenerer, quod pro Doctoratus gradu defenderem, pauca de iis, quibus homo in statu ac vigore permanet, i. e. *de Nutritione Corporis Humani* conscribere in animum induxi. Rem, scio, aggredior difficillimam, rem supra teneram meam peritiam longe positam, & in qua multi, egregiique sudarunt Philosophi ac Medici, labyrinthum nobis aperientes variis plenum flexibus, iisque intricatissimis, in quibus tamen, nulli materiæ recte pertractandæ aptus, errare malui, quam in aliis, præsertim practicis, quoniam & ipse error hic non injucundus est, neque, si levior, arti nostræ salutare multum detrimentum importat.

Si quid in Hisce B. L. invenies quod arridet, id me fidelissimis Præceptoribus, aut & aliis, quos plerumque citavi, scriptoribus debere scito. Vitia benigne tegas, aut amice corrigas, quæso. Qua tua benignitate fretus, lætus jam onus suscipio.

I. Nutritionem Corporis Humani voco cum summo Boerhavio, eam corporis nostri actionem, qua tantum & tale in humoribus solidisque perpetuo restituitur, quantum & quæle per vitæ motus perditur (c).

Hoc autem ut fiat necesse est ingeratur materies, qua fit restitutio, quæ Alimenti nomine venit, quæque corpori nostro aliena, sensim in naturam humorum hujus, tandem in ipsa solida mutetur. Quam ut ordine prosequar mutationem, primo puto quædam esse dicenda de Alimentis; dein de Restitutione Fluidorum; & tandem de Solidorum Reparatione.

C A-

(c) Instit. Medic. §. 436.

CAPUT PRIMUM.

De Alimentis.

II.

Alimenta, quibus utitur homo, sunt, uti *Hippocrates* jam observavit (*d*), Cibus, Potus, & Aër.

III. Binis quidem prioribus aliquandiu sine magno incommodo carere potest homo; quin & mira prostant exempla apud Scriptores, tum sacros, tum profanos, vixisse homines per tres (*e*), quatuor (*f*), septem (*g*), undecim (*h*), quatuordecim (*i*), quadraginta (*k*), imo plures dies (*l*), talibus destitutos alimentis; licet secundum consuetum Naturæ ordinem quotidie nova sint ingerenda, ut blandities in humoribus servetur, sine his sat cito in acrimoniam degenerantibus; quod ex causis est, quibus Judæi, alique, diuturniora jejunia sæpius ferentes, in acrimoniam humorum, atque putridos morbos proni adeo sunt. Posterioris autem tanta est necessitas, ut hoc deficiente, ne per pauca quidem momenta vitam protrahere possimus, sed hæc protinus cesset (*m*): neque enim ὑποσιτισ, aut ἀμφοσιτισ, qui pauci memorantur, omnino deest; quum nec natantia animantia sine Spiritu, i. e. aëre vivere possent (*n*). De hoc ergo primo loco esse agendum putavi.

IV.

(*d*) Lib. de Flat. p. 296. (*e*) Lib. Esst. Cap. iv, 16. Isbr. de Diemerb. Anat. Lib. I. c. vii. (*f*) Aëtior. Cap. x, 30.
(*g*) 1 Samuel. Cap. xxxi, 13. (*h*) Tulp. Observ. Med. Libr. I. c. xliii. (*i*) C. T. Bierling. adv. curios. obs. 43.
(*k*) Exod. Cap. xxxiv, 28. (*l*) Alex. Bened. de re med. Lib. II. c. x. G. F. Hildan. Observ. Cent. iv. Obs. xxix. St. van der Wiel Observ. Cent. post. p. 148. sq. & plur. (*m*) Hipp. l. c. (*n*) Idem. ibid.

8 DISSERTATIO PHYSIOLOGICO-MEDICA

IV. Aër, five Atmosphæra nostræ telluris Chaos est, constans ex aëre vëro (o), & ex diversissimis omnis ferme generis corpusculis (p). Ingredi inde multa nostrum Corpus Ratio dicitur, Experimenta confirmant. Lambit enim totam nostram Cutim, Tunicam adnatam Oculorum, Meatum Auditorium, Interiora nasi, oris, faucium, asperæ arteriæ, pulmonum, Pudenda in utroque sexu, imo in non gravidis fœminis ipsius Uteri superficiem internam. Omnes autem hæ partes, si durissimos, & porcellanea quasi crusta obductos dentes excipias, non densæ adeo aut perfecte solidæ sunt, ut omnino sint impenetrabiles, sed innumeris perviæ porulis (q) non tantum, verum & vasculis apertis ori hiantibus: & quum aër cum omnibus contentis particulis tenuissimam fluiditatem nactus sit, quumque ab omni parte prematur, & præterea sit probabile ipsa vascula quasi sugere & attrahere, certe concludere licet haud exiguam ipsius quantitatem, omni vitæ tempore introrapi, humoribusque nostris inquilinis admisceri (r).

Experimenta si consulamus, hæc nullum dubium nobis relinquunt. Qui enim epidemici & contagiosi morbi in hominum perniciem tam late propagantur, nisi morbosa quædam materies ex Atmosphæra corporibus recipiatur (s)? Nonne varia vegetantia suas exhalationes, opæ Atmosphæræ, corpori humano insinuant (t)? Ita ut jam Lucret. Carus cecinerit:

Arboribus primum certis gravis umbra tributa est

Usque adeo, capitis faciant ut sæpe dolores,

Si quis eas subter jacuit prostratus in herbis.

Est etiam in magnis Heliconis montibus arbos,

Floris odore hominem tætro consuec necare (u).

Non-

(o) Muffchenb. Phys. §. 1096. (p) Boerh. El. Chem. T. i. p. 461. (q) Boil. de Poros. Corp. Anim. c. 111. p. 4. (r) Van Swieten Comm. in Aph. Boerh. p. 94. Galen. Lib. de usu puls. c. v. (s) Sydenh. oper. univ. p. 107. (t) Vid. Nonn. de Re Cibar. p. 32. Boil. de nat. determ. Effluv. c. v. ut & de insign. Efficac. Effl. c. vii. (u) Lib. vi. vs. 782. seq.

Nonne odor panis calentis pro tempore famem sedat, vitamque protrahit, ut in Democrito patuit? Unde puella ista, de qua in actis Bononiensibus memoratur quod plurimas libras humorum, urinæ specie, quotidie excrevisset, has colligere potuisset, nisi ex Atmosphæra (w)? & quod magis ad nostrum scopum, quam salubri cum effectu sana animantia sive bruta sive rationalia debilibus accumbunt hominibus, ut hi, qui sibi subtile nutrimentum parare non possunt, istorum exhalationes, in atmosphæra dispergendas, recipiant, atque inde reficiantur (x)! una enim cum proterva Lalage tremula decumbit vava; iuxta succa anicula arido corpore trahit humores juveniles; virgini languenti perit dulce loquens, dulce ridens illud, quod Horatium urit (y).

V. Ast (inquiet aliquis, nec sine ratione) hæc omnia tantum docent quasdam particulas, in atmosphæra dispersas, corpori insinuari, quæ tamen aërem purum non constituunt, neque homini sano summopere utiles sunt aut necessariae. Respondemus 1º. In omnibus ciborum ac potus speciebus aërem latere (z), cum quibus ergo assumitur, deglutitur, atque in interiora corporis nostri deducitur. 2º. In omnibus animalium partibus, firmis æque ac fluidis contineri aërem, qui inde ope anthliæ pneumaticæ extrahi potest; quod videre est in longa experimentorum serie ab eximio Boileo descriptorum, & a Celeb. atque in Physica experimentalis versatissimo nostro Musschenbroekio confirmatorum (a). 3º. Vel purissimum aërem, quem possumus obtinere, iteratis respirationibus, lethalem evadere, amissa elasticitate; quod vaporibus in eo exhalatis adscribi non potest, sed potius privationi cuidam (b). An tamen verum alimentum dicendum est aër? an in corporis substantiam mutatur? res est altioris indaginis, postea (LX & LXI.) inquirenda.

VI.

(w) pag. 145. sqq. (x) 1 Reg. 1, 4. (y) Vid. Kaauw Perspir. Hipp. dict. §. 501. (z) Boil. Exper. Phys. Mech. p. 16. sqq. (a) In Disput. Inaug. habit. A. 1715. (b) Vid. Haller Prælect. Tom. II. p. 218. in notis.

VI. Bina insuper enumerata Alimentorum genera suppetant nobis Regnum (ut vocant) Animale, & præcipue Vegetabile, ut & Aqua; quam ad quodnam referrem Regnum incertus hæsi, hinc distinctam proposui. Ex Fossili Regno sunt quædam, quæ usui culinario inserviunt, quorum frequentissimus est usus salis marini; non autem hic nutrit, tanquam per vires animales immutabilis omnino (c), sed ad condimentum facit (d), & putredini est quam maxime obfistens (e).

VII. Potus si quis stricte loqui amet, huncque definiat, quod sit diluens crassitiem vel acrimoniam humorum, & hac ratione siccitatem & sitim emendans, unice est Aqua: unicum hoc est vinum illud catholicum, quo puriore gaudebant Primævi, quodque, ut olim sic & nunc, integræ Nationes solum bibunt (f). Aliis quidem pocula parantur vino tam Bacchi quam Cereris: humoribus animalium alii sitim extinguunt (g): alii aliis liquoribus. Horum omnium tamen nullum est, quin Aqua plurima constet, quæ potum constituit, cuique variæ particulæ, varium in finem admistæ habentur.

VIII. Ut autem Potus non cuivis homini unus est formâ, sic & inter Cibos major adhuc observatur differentia. Hic invenies qui, prisco more contenti, Fructibus solummodo vitam sustentant (h): Illic terram aratro scindentes, hancque conferentes, ut amata adeo atque salubria Cerealia ipsis producat (i): Alibi sunt qui Piscibus tantum (k): Alibi qui Leones quasi imitantes, non nisi Carne vescuntur (l), spreto vegetabilibus, imo hæc sterces vocantes (m): Aliis & longe plurimis omne ferme vegetantium genus, omne in terra

(c) Boerh. Elem. Chem. T. II. proc. xcv. & ci. (d) Id. Inst. Medic. §. 54. (e) Id. Chem. T. II. Proc. xvi. (f) Id. ibid. p. 295. 3. Hall. Præl. T. I. p. 113. & 117. (g) Herod. Lib. III. c. 23. (h) Strab. Lib. xv. p. 10. 40. (i) Herod. Lib. III. c. 22. (k) Id. Lib. I. c. 200. & Lib. III. c. 6. (l) Id. ibid. c. 33. & c. 22. (m) Id. Loco modo citato.

terra marique notum Animal appetitui satiando inservit ; dum nec Pisces suis conchiliis (*n*), nec Insecta nauseoso adspectu (*o*), nec Araneæ (*p*), nec Viperæ suo veneno se a quorundam intemperantia defendere valent; quin &

--- --- --- --- *Libidine fera*
Humanis membris inbiant (*q*). scite itaque

Poëta:

Non Mare, non Aër, non Tellus, denique Cuncta
Sufficiunt nostræ vix Elementa gulæ.
Si, quod edunt homines, hominum substantia fiat,
Ut perhibent, Homines, qualia monstra sumus! (*r*)

IX. His altera denuo accedit varietas; quædam enim cruda ingeruntur, pleraque prius aut condiuntur, aut alio modo præparantur, ut vel per tempus conservari queant, vel evadant palato gratiora, vel ut fiant facilius digerenda.

X. Patet itaque ex tam diversa materie, diverse adeo adhibita, hominem sanum suum corpus reficere posse, humanos parare humores, humana solida; neque humana tantum in genere spectata, sed singularia pro varia ipsius partis nutriendæ indole, totiusque individui ἰδιοσυγκρασίᾳ. In quibus tamen dirigendis, ut in aliis rebus non naturalibus dictis, Medico quam maxime respiciendum est (*a*) ad Consuetudinem, quam non male alteram vocavere naturam; „ id enim, quod in consuetudine est, reficit, quod contra, „ nocet, seu molle seu durum est (*s*). „ Mirus inde aliquando

(*n*) Strab. Libr. xvi. p. 1118. (*o*) Schurich. Chylol. p. 65.
 (*p*) Stalp. van der Wiel Tom. II. p. 248. sqq. Sennert. L. vi. part. 5. c. 1. (*q*) Tertull. Apolog. c. ix. Herod. Lib. III. cap. 38. & 99. Strab. Libr. iv. pag. 307. 708. (*r*) Owenus Epigr. 42.
 (*s*) Cels. Libr. I. c. 3. p. 26, 27. Hipp. Aph. II. 50.

do morbus observatur, Nostalgia ab Auctoribus dictus, Helvetiis præ aliis nationibus maxime familiaris; quo affligti, extra patriam quamdiu in alieno aëre, alienis moribus vivunt, anxietates patiuntur molestissimas, tristitiam, febres, aliaque symptomata ingravescentia, & vix tollenda, sponte tamen evanescentia quamprimum domum reversi, in consueto aëre, consueto more inter suos, vitam agunt (*t*): (*β*) ad conditionem Corporis, ætatem puta, vasorum & viscerum robur aut debilitatem: (*γ*) vitæ genus, ita ut labori sit proportionatus cibus; longo alio enim & copiosiore indiget durus Arator, quam meditationibus solis incumbens Philosophus (*u*). Idem etiam homo, qui non validis admodum laboribus corpus exercens, tenui victu vitæ & sanitati pulchre prospiciebat, si hycine calopodiis ferratis velocissime currit, ni atro pane, aliisve duris vescatur cibus, fame mox correptus, brevi præ languore deficit; ideoque & (*δ*) respiciendum est ad anni tempora & regiones, sive aëris & loci constitutionem (*w*).

XI. Ingesta hæc Alimenta non uno impetu mutantur in corpus nostrum, sed sensim sensimque assimilantur; convertuntur prius in Chylum & Lac, dein per gradus ulterius elaborantur: nec tota quanta hisce conversionibus idonea sunt, fæces relinquentia rursus eliminanda.

XII. Nostrum nunc foret omnes inquirere mutationes, quibus in nutritionem humani corporis vergunt. Ne autem Dissertatio hæcce in crassum augeatur volumen, sit licitum, primam, qua in chylum mutatur, festinanter percurrere, atque paucis ex optimis scriptoribus Physiologicis excerptis verbis, breviter proponere.

Horum (VII & VIII) itaque singula seorsim, vel commista quædam simul, cruda, vel præparata, ore assumuntur; majora si frustra sunt, mordentur, manducantur; miscentur omnia fa-

(*t*) Vid. Act. Bononiens. p. 86, & 327. sqq. (*u*) van Swieten comm. p. 75. (*w*) Hipp. de victus rat. p. 337. 338. & Aphor. I. 15, 18. Lister de hum. p. 386, 387.

salivæ, liquori perspirabili oris, muco, aëri; protruduntur versus fauces; deglutuntur, condita glottide sub radice linguæ, & epiglottide clausa; pelluntur per æsophagum; descendunt in ventriculum humidum, calidum, musculosum; fermentare vel putrescere incipientia miscentur; rarefactione, motu, attritu, & affusione liquidorum inquilinorum subiguntur, attenuantur, succi eliciuntur, multa in fluorem solvuntur, colorem cineritium inducunt; tandem expelluntur jugiter in tenuia intestina, in quibus digestionis causæ, uti in ventriculo, pergunt, majori forte efficacia, admistis simul humore enterico, pancreatico, hepatico, ut & virtute saponacea gaudente bile cystica. Sic aptus redditur humor, qui a crassioribus & his viribus insuperabilibus, per crassa intestina deducendis & corpori ejiciendis particulis separatur; vasis lacteis recipitur; fertur in glandulas meseraicas; elaboratur ulterius ibi, lymphamulta dilutus; colligitur in ductum thoracicum, in quem numerosa etiam vasa lymphatica suum laticem fundunt; pergit ad venam subclaviam; sic demum specie liquoris blandi, aquosi, lactei, subpinguis (*Chylus* dicitur) paulatim, diductisque valvulis, ni desunt hæ, quod aliquando licet rarius observatur, ipsi sanguini moto affunditur.

XIII. Negandum tamen non est, multas subtiliores particulas, vel corpori minus inimicas, patulis resorberi venulis (x), tam in toto tractu primarum viarum, quam alibi (IV.); quin & per mollem nostram substantiam penetrare. Narrat Paracelsus de homine, qui Emplastriope, quod hypochondriis erat applicatum, nutrire (y); cujus quidem rei, ut aliarum ipsius Auctoris paradoxarum, veritatem asserere ego non auderem.

XIV. Varium itaque in modum sanguis materiem accipit, qua quæ passus est vel passurus damna refarciat, quæque cum ipso ad omnes corporis partes fluat.

XV.

(x) Vid Boerhav. Inst. Med. p. 61. in citat. (y) Vide Haller Prælect. Boerh. Tom. I. pag. 112.

XV. Longe nihilominus abest, hunc chylum jam sanguinis naturam esse adeptum, eive plane assimilatum; multum enim adhuc de natura ingestorum participat, lente superandum, uti jam videbimus fluidorum restitutionem examinaturi.

C A P U T S E C U N D U M.

De Fluidorum Restitutione.

XVI. **F**luida in corpore humano contenta, ipsique propria omnes omnium fluidorum dotes generales possident; atque ideo definiri quoque possunt, quod sint Congeries corpusculorum, parvorum adeo ut omnem sensum fugiant, cuicunque impressioni cedentium, atque cedendo facillime movendorum inter sese.

XVII. Crassissima quidem nostra fluida, oculo microscopio satis amplificanti armato, acervum exhibent globulorum (XXIV), quem ignorans quid conspiciat fluidum vocaret nequitiam; inermi nihilominus visu, aut alio sensu distinguere hi nequeunt; quod, quum requisita particularum magnitudo ad distinctionem solida inter ac fluida nondum a Philosophis est determinata, sufficit ut fluida vocentur. Neque minus hoc merentur nomen, quia extra corpus e ducti quidam humores, vel & in ipso stagnantes, fluiditatem amittunt, ac in solidam massam abeunt: est enim hæc proprietas his singularis, quales plurimas habent nostra fluida, quibus ab omni alio liquido differunt, quibus & unumquodque a reliquis, corpori licet naturalibus, discrepat: habent enim singula singulare suum genium, uti in sanguine rubro, sero, lymphæ, lachrymis, saliva, bile, semine, cæterisque est quam evidentissimum.

XVIII.

XVIII. Omnia tamen hæcce liquida in sanguine quoad materiem fuere latentia, ex quo, mirabili ipsius corpōis actione fecernuntur atque parantur, uti ipse sanguis prius ex chylo, atque hic ex descriptis hucusque alimentis fuit confectus.

XIX. Restitutionem itaque fluidorum indagaturum omnium primo sanguificationem investigare oportet.

XX. Si jam pro hac inquirenda, primo sanguinem consideramus & chylum, horum cognitās dotes perpendentes sedulo, ut de utriusque natura ac differentiis fiamus certiores; dein examinamus vias, per quas hic transire debet, antequam in sanguinem conversus observatur, & attendimus quid ipsi in his contingat; forte aliquid de ipso conversionis modo intelligere poterimus.

XXI. Chylus memoratas (XII.) actiones passus, ex vase lacteo ovis, vel & vituli, tubulis vitreis receptus, primo apparuit fluidus, homogēus, cineritius, (licet etiam aliquando vel in homine ab ingestis colore quodam alio tinctus describatur (z)). Dein microscopiis examinatus, visus est Leeuwenhoekio constare partim ex materie concrescibili, superficiei tubulorum internæ adhærente, partim ex globulis, quorum sex magnitudine globulum ferrosū adæquarent, ut & ex aliis minoribus; natantibus omnibus in latice tenui, pellucido, in quo etiam globuli pinguedinosi apparent (a).

XXII. Quum vero Chyli naturalis ea quantitas, ad iusta examina instituenda necessaria, acquiri vix queat, quumque in glandulis meseraicis utriusque generis, atque præcipue ductu thoracico, ejusque radicibus tanta ipsi admisceatur copia lymphatici humoris, ut potius examinares lympham quam chylum (b), in hujus contemplatione mihi liceat Chyli loco Lac adhibere, quod verus est chylus, lon-

(z) Vide Schurich. Chylolog. p. 600. (a) Ondervindingen, Bladz. 9. en volgende. (b) Boerhav. Instit. Med. §. 119, 121.

16 DISSERTATIO PHYSIOLOGICO-MEDICA

longe minus lymphæ dilutus (*c*), hinc minus falsus (*d*), atque hoc nomine alimentis propior; quod tamen fluxit per cor, pulmones, arterias, mistum fuit cum universali humorum massa, unde mammarum fabrica iterum est separatum, hinc horum omnium actiones semel ad minimum passum, assimilari inceptit, ac nutritioni nostrorum liquidorum ac solidorum aptum est magis.

XXIII. Lac itaque ex uberibus animalis sani, vegetabilibus maxime passum, ductum, & in vasculo puro, tepido, collectum α liquor est candidus, homogeneus ad visum, calidus, fumans.

β Odor ipsius lenis est, non ingratus, quasi herbaeus.

γ Sapor blandus, dulcis, gratus.

δ Pondus specificum aquæ gravius, sanguinis vero levius (*e*), huic enim innatat (*f*).

ϵ Aërem etiam in se continet, (sic & Chylus) (*g*).

ζ Quiete frigescit, fumus cessat, aliquandiu homogeneus manet.

η Diuturniore mora in duas secedit partes; una supernatans, alba, crassa, pinguis, Cremor dicitur; altera subcærulescens, pellucida magis, tenuior, macilentior, Lac defloratum audit.

θ Vapor in guttas condensatus, atque collectus, aquosus prorsus apparet, pellucidus, excolor, nihil spiritus ardentis, nihil salis volatilis, quod ulla arte detegi potest, continens, inodorus fere ac insipidus (*h*): licet sit verosimile multis hunc gavisum fuisse spiritibus animalibus, ultima coctione in corpore elaboratis,

(*c*) Boerh. Chem. proleg. ad II. part. oper. N^o. 7. (*d*) Lower de Corde p. 242. (*e*) Van Swieten Comm. in Aph. Boerh. p. 65. (*f*) Lower l. c. p. 243. (*g*) Musschenb. dissert. inaug. Exp. 7. 8. 9. Boerh. Chem. T. I. p. 525. (*h*) Boerh. Chem. T. II. proc. LXXXIX.

boratis; plurimi enim nervi ad lactis officinas concurrunt, & stupendi aliquando effectus fiunt in tenellis infantibus a lacte assumpto, crassiori ejus parti vix adscribendi (i).

• Lac calore non coagulatur, neque concrefcit in massam æquabilem, scissilem, sed exhalata parte liquidiore, condensatur in butyrum & caseum, conjuncta.

• Omnibus experimentis tentatum, nec alcali invenitur, nec acidum, sed acefcens (k).

λ Coctum diu cum satis magna quantitate salis alcalini; fit flavum, dein fordide fuscum, & grumescit.

μ Additis acidis fossilibus, ut & vegetabilibus, (imo his citius) accedente calore, coagulatur pars una, quæ pressa caseum dat, nunquam ex chylo acquirendum; pars altera fluida manet, serum dicitur, lacte multo tenuius (l). neque refert an cremor prius ablatum sit, nec ne (m).

ν Ab Alcohole non mutatur.

ξ Admixto alcali fixo, aut calce viva, nullus excutitur spiritus volatilis alcalinus, qualis cæteroquin ex omnibus nostris inquilinis humoribus.

• Analyfi Chemica examinatum, dat 1°. Aquam simplicem, nec acidam, nec alcalinam, nec spirituosam, Lactis tamen odorem & saporem non nihil referentem. 2°. Liquorem spirituosum acidum, (si fides Auctoribus est habenda). 3°. Oleum tenuius, dein crassius, nigrum, foetidum. Remanet carbo niger; qui nudo igne expositus, albescit, salemque dat alcalinum fixum, & terram (l).

• Loquuntur etiam modo memorati Auctores de sale acido, in Lacte inveniundo, quem Verheyenus essentialem vocat.

(i) Vid. Van Swieten p. 30. (k) Boerh. Chem. T. II. proc. LXXXIX. (l) Verheyen suppl. p. 55. Doorschodt diss. inaug. p. 16. (m) Boerh. Chem. T. II. proc. xc.

cat. Sed qui novit quam facile Lac, præsertim calore, aceſcat, is non ignorat quantæ in hoc ſale rite parando cautelæ requirantur. Si vero liceat præparatum illud ex ſero Lactis, quod vulgo ejus ſaccharum appellatur, tantisque encomiis a quibuſdam Chemicis celebratur, ac ſi ipſam tollere podagram valeret (*n*), Lactis ſalem eſſentialem vocare, quod licere certo puto, mihi ſal Lactis præparanti ac ſæpius examinanti nunquam viſus eſt acidus, ſed neuter, & palato ſaccharina dulcedine gratus.

XXIV. Sanguis ex arteria vel vena hominis ſani ſaliens, & in vaſculo puro, caloris noſtri ſimilis exceptus, apparet *a* fluidus, ruber, homogœneus, calidus, fumans, magis ex arteria quam ex vena.

β Odorem habet ſingularem medium fere inter urinæ ac ſudoris.

γ Saporem blandum, occulte falſum, naſcoſum.

δ Pondus habet Aqua ſpecificè gravius (*o*); licet

ε Aërem etiam in ſe contineat (*p*), ſed diviſum.

ζ Sibi relictus frigefcit, ceſſat vapores dare, & ſponte ſeparatur in partes duas apparentes; una tenuior eſt, coloris albidii in viridem vergentis, fluidior, ſerum dicta; altera rubra eſt, ſpiſſior, cohærens, ſolida; inſulam vocant. Hæc ſolo tritu in mortario vitreo poſteſt redigi in ſpumefcens, coccineum liquidum (*q*).

η Vapor frigore condenſatus in guttulas, atque ita collectus, præbet aquam limpida, pellucida, fatua, inſipida fere & vix odora, ſed naſcoſa. Quamvis non abſona videatur eorum ſententia, qui putant ſanguinem, venoſum præcipue, ſubtiliſſimum nervorum

(*n*) Vid. Guiljelmin. Tract. de Arthritide. (*o*) Boyl. Appar. ad hiſt. nat. ſang. p. 11. Schwenke Hæmatol. c. XII. p. 123. ſq.
(*p*) Muſſchenbroeck Diff. inaug. p. 9. (*q*) Van Swieten Comment. p. 196.

vorum liquidum, in tenuioribus vasculis lymphaticis receptum, in majoribus venis collectum, sibi admistum habere (r); dum & jam Veterum fuit opinio sanguinem non inertem esse liquorem, sed liquidissimum aliquod atque activum principium continentem (s): quale quid subolfecisse etiam videntur Tartari, a quibus bibitur sanguis Equinus, ut eo animosiores reddantur, ac magis corroborentur (t). Maxime hinc mirandum, quod activum adeo in corpore liquidum, quod inexplicabili sua agilitate, atque particularum subtilitate ineffabili, jure volatilissimum censetur, corpore eductum, vix nares feriat.

♂ Serum sanguinis, omni dote cum albumine ovi conveniens, nisi quod hoc ex sacculis & vasis etiam constans, minorem aquæ portionem contineat quam illud, calore tam humido quam sicco concrevit in massam solidam, æquabilem, scissilem (u).

♂ Acidis fossilibus admistis, aut alcohole coagulatur, lacteum acquirens colorem.

♂ Totus sanguis, quocunque modo examinatus, nec alcalinus invenitur, nec acidus, sed alcalescens.

♂ Recens vase exceptus, & vel bacillo vel manu conquassatus, manet rubellus & fluidus, nisi circa manum vel bacillum, cui adhæret massa lenta, coriacea, fibrosa, nunquam resolvenda in fluorem, ubi ad albedinem est elota (w).

μ Si vero quietus concrevit sanguis, sibi relictus, aërique expositus, totus fere iterum solvitur, & dein in liquorem putridum abit, calore non concrescibilem.

• A

(r) Boerh. Inst. medic. §. 292. (s) Hipp. Libr. Epidem. vi. f. 8. aph. 19. Galen. Lib. περί πύλω p. 366. (t) Referent Francio in Hist. anim. p. 14. (u) Boerh. El. Chem. T. II, proc. cxvi. & cxvii. (w) Ruifch. Thes. vi. N°. 7. & Thes. vii. N°. 39.

• A Variis additamentis varie mutatur, quorum multa enumerare limites Dissertationi positi vetant; sed de his vide Pitcarnium (*x*), Boerhaviū (*y*), schwenke (*z*).

• Analyſi chemica examinatus dat 1°. plurimam aquam, fere $\frac{7}{8}$ partes; 2°. Spiritum oleoſum, amarum, ſubalcalinum; 3°. ſalem alcalinum album, fœtidum; 4°. oleum aurei coloris, fœtidum; 5°. oleum craſſum inſtar picis, nigerrimum: Remanente in fundo carbone nigro, ex terra conſtante, materie phlogiſtica, ac ſale marino, ſi eo uſi ſumus (*a*), cuique carboni etiam aliquando inhæret ſal alcalinus fixus, ſed perparvâ copiâ.

• Microſcopiis Leeuwenhoekianis perluftratus, maſſa apparet non homogenea, ſed ex variis particulis globoliſ, iſſque elatiſcis, conſtans, quarum aliæ majores, rubræ, aliæ minores, flavæ, natant in liquido ſubtili, pellucido (*b*). Globuli rubri accuratius examinati obſervantur conſtare ex minoribus, nixu quodam adeo valide cohærentibus, ut in anguſtias vaſorum acti elongentur, formam filamentorum æmulent, mox ſpatium naſti ſemet reſtituant priori forma; niſi major ſit preſſio, quando diſſiliunt in globulos minores flavos (*b*). Flavi itidem ex minoribus conſtant, ſimiliter ſunt elatiſci, ac diſſolubiles (*b*). Et quis determinabit quouſque decreſcentia globulorum procedat? dum nulli horum elementa ſolida ſunt ſanguinis, ſed fluidi, atque ideo ex minoribus particulis conflati.

XXV. Ex datis itaque Sanguinis atque Lactis & Chyli proprietatibus patet Lac alicujus quidem ſimilitudinis cum
noſtris

(*x*) Elem. Medic. Phyſ. Mathem. L. I. c. v. (*y*) El. Chem. T. II. proc. cxxvii, N°. 4, 5. (*z*) Hæmatol. c. xix.
(*a*) Boerh. El. Ch. proc. cxix. (*b*) Leeuwenh. paſſim, vid. citat. Haller. ad inſt. Boerh. §. ccxxvi explicat.

nostris humoribus particeps evasisse, longe tamen adhuc a fero & sanguine alienum, imo chylum lacte magis. Hic ipse tamen postquam per aliquot horas cum sanguine in sano corpore circumductus est, omnes discrepantes conditiones deposuit, dotes omnes ac naturam veri sanguinis acquisivit. Effectum videmus, causas indagabimus.

XXVI. Primo quidem omnis alimentosa materies, quæ ulteriore præparatione indiget, sanguini admiscetur in vasis, non arteriosis, sed venosis semper. Illa enim pars, quæ per substantiam nostri corporis intrat, aut subtilis facta est atque corpori amicissima, aut & calore nostro agitata, aliave de causa corpus permeans, vasis venosis alicubi recipitur, sicque communi tandem datur circuitui, ita ut & hæc ipsa, priusquam per arterias distribuitur, ad majores venas, atque ad Cor & Pulmones deducatur.

XXVII. Prudentissime Natura hoc ita ordinavit, ne in subtiliora quam quibus recipitur vascula rueret, sicque irreferandas produceret obstructions, & ut insignem, etiam hoc ductu, mutationem subire inciperet, quam, Chylum ex ductu thoracico tanquam crassiolem sequentes, optime perscrutari poterimus.

XXVIII. Infunditur ille præcise ibi loci in venam subclaviam, ubi concursus est magnarum venarum, jugularis nimirum externæ & internæ, vertebralis, & axillaris (*d*), oppositis directionibus suum sanguinem corrivantium: huc statim accedit sanguis e venis mammariis (*e*), aliisque vicinis (*f*); dein copiosus affluit sanguis ex subclavia dextra (*g*), vena sine pari (*h*); tandem occurrit plenus rivus humorum per cavam inferiorem (*i*), atque coronarias venas (*k*) reducum.

XXIX.

(*d*) Cant imp. prim. Anat. tab. vi. f. 2, 3. (*e*) Eustach. tab. xxvi. Lit. g; & tab. xxvii. fig. 12, 1. 1. (*f*) Vid. Eustach. Tab. xxvi. (*g*) Idem ibidem, Litt. c. (*h*) Id. Ib. ø. (*i*) Id. Tab. xxv. Litt. ø. (*k*) Id. Tab. cit. Litt. a, b. b.

XXIX. Ex dictis itaque patet parvam chyli portionem copioso infundi sanguini, variis directionibus velociter moto. Hujus effectus bini sunt non contemnendi: I. Miscela accuratior cum humoribus inquilinis. II. Assimilatio quædam in naturam horum ipsorum, incipiens conversio acescentium in alkalescentia. Videmus hoc etiam extra nos fieri, ubi parva copia vegetabilium acescentium, vel etiam re ipsa acidorum, miscetur cum magna quantitate carnis, sanguinis, aliusve alkalescentis, non propriam sequi illam naturam, sed mutari, & in alkali ac putredinem vergere. Et quanto magis hoc in nobis obtinebit, ubi in moleculas minimas divisus chylus sanguini intime permiscetur, & calore maxime idoneo fovetur.

XXX. Tota hæc massa in dextri cordis sinu venoso atque auricula, unam cavitatem constituentibus, pro momentulo tantum manet, dum cor suam systolen peragit, neque multum ibi patitur, aut mutatur. Mox vero, quando cor laxatur, in ipsum hujus ventriculum pellitur.

XXX. Qui jam considerat vim & velocitatem, quibus sanguis cum chylo cor ingreditur; hujus superficiem internam plurimis gaudere fibris, columnis, trabibus, quaquaversum tendentibus (1); vix cor quiescere, sed simulac repletum est, muscolari vi se contrahere; viam patere in arteriam pulmonalem, & in hanc tantum, ob valvulas claudentes alium exitum (m), & canalem arteriosum in adulto concretum (n); is certe actionem inde pendentem perspectam habebit, neque ipsi latebit, hinc (α) acceptum humorem, in contractione maxime, diverberari, pecti, depssi, carminari (ut loquuntur Latini), agitari; conquassari, hinc (β) misceri intime magis, fluidum ser-

vari

(1) Lower de Corde Tab. vi. fig. i. ee. & iii. & fig. 2. c. c. c. Eustach. Tab. xvi. f. 3. G. G. (m) Eust. Tab. xvi. f. 3. E. E. Æ. Æ. Vesal. Libr. vi. fig. 7. K. L. M. (n) Eustach. Tab. xv. f. 6. c. Barthol. Lib. II. p. 410.

vari & calidum, aliquantum etiam attenuari, atque (v) vi valida in arteriam pulmonalem trajici (d), sic demum in Pulmones pervenire. Constituunt hi præcipuum instrumentum αἱματοποιήτικον, quod ad minimum tantum huc tribuit, quantum reliquum totum corpus, hinc paulo attentius sunt perscrutandi.

XXXII. Pulmones gemina sunt viscera, sita in utroque latere thoracis, hujus maximam partem implentia, arcte undique cincta membranâ pleurâ, duos saccos faciente, qui in media parte inferiore, cor cum radicibus magnorum vasorum pericardio inclusum, contingunt, pulmones a se invicem separantes.

XXXIII. „ Externâ Pulmones formâ peculiari non indigebant, sed hæc pro accumbentium corporum effigie „ efformatur, prorsus suarum, quibus continetur cavitas „ tum imaginem haud secus assumens, quam si quis argilla his cavitatibus impressa pulmonem construxisset „ (o). Neque insignis videtur necessitas divisionis in lobos, numero determinatos; quum in his natura, quæ in necessariis determinandis constantissima est, ludere non raro deprehenditur. Ut plurimum dexter, qui major, in tres, sinister minor in duos divisus est lobos; aliquando tamen & hic in tres, uti in Brutis fit, distinctus observatur, aliquando ita sunt concreti, ut sectionis potius nota, quam revera distinctionis observetur (p), dum in fœtu & recens nato in myriades lobulorum fuere separati (q).

XXXIV. Substantia Pulmonum singularis est, rara, levis, spongiosa, in aqua natans, ubi semel respiravit homo. Fabrica eorum maxima ex parte vasculosa est ac vesiculosa seu folliculosa. Vasa habet arteriosa, venosa, omnis generis, ut & nervos, & fistulas aëreas. Vesiculæ sunt aëreæ, harum fistularum soboles: accedunt glandulæ quædam, quarum

(o) Vesal. Libr. vi. c. vii. p. 503. (p) Idem. Libr. vi. c. vii. p. 504.

(q) Ruisch. Thesaur. anat. vi. N°. xcii. Not. c.

rum descriptio non est hujus loci (*r*). Jam de singulis accuratius.

XXXV. Aspera dicta arteria, de Larynge incipiens, circa quartam thoracis vertebra bifariam dividitur in duos ramos, alterum ad pulmonem dextrum, alterum ad sinistram tendentem (*s*). Hi in pulmones penetrantes, iterum se dividunt ad angulos acutissimos in ramos, hi in ramulos continuo minores (*t*), donec tandem in cœcas vesiculas membranaceas definiunt (*u*).

XXXVI. Arteria pulmonalis orta ex ventriculo cordis dextro, bipartita ad pulmones pergit, nullos ramos dispergens, nisi mox ante ingressum (*w*), quando in duos iterum vel tres finditur pro numero loborum, quorum unumquemque ramus intrat, statim in plurimos divisus ramos, ramulosque, totos pulmones externe, interne, pervadentes, ultimo constituentes subtilissimum vasorum arteriosorum contextum (*x*).

XXXVII. Arteria dein bronchialis, duplex aliquando, imo triplex, sed ut plurimum simplex, exilis oritur ab aorta descendente, qua parte secundum corpora vertebrarum dorsi incipit procedere, non longe a curvatura ejus; procedit inde ad istum pulmonum locum, ubi bronchia se immittunt; adjungit se his comitem, dividit se in ramulos exiles, quos præ subtilitate cito ex oculis perdis (*y*).

XXXVIII. Venulæ sibi comites, bronchiales dictæ, in venas intercostales, azygon, vel & subclavias suum sanguinem deferentes (*z*), exiles etiam sunt, arteriis hujus nominis majores tamen.

XXXIX. Verum pulmonales venæ magnæ quatuor,
una

(*r*) Vid. Morgagn. adv. anat. v. anim. xxxiv. p. 47, 48.
 (*s*) (*t*) Eustach. Tab. xxvii. f. 13. a. b. b. c. c. c. c. (*u*) Ruisch. Thesaur. ix. N°. 99. & Thes. x. N°. 168. (*w*) Eust. loc. cit. e. e. f. f. & c. & Tab. xv. f. 5. K. L. (*x*) Malpigh. Epist. de Pulmon. T. II. f. 2. (*y*) Ruisch. Epist. vi. Tab. 7. f. 5. Heist. comp. anat. p. 120. (*z*) Id. ibid. N°. 42*.

una minor, nunc separata, nunc majori adnexa, vel & inde orta, quarum radix communis est sinus venosus sinister, eodem modo pulmones ingrediuntur ac arteriæ pulmonales, simili etiam modo dividuntur, distribuuntur, tandemque innumeris anastomosibus cum ipsis communicant (a).

XL. Nervos habent pulmones ab octavo pari, ejus parte plexu pulmonico dicto, & ut plurimum etiam ab intercostalibus (b). Hi in pulmonibus adeo subtiles evadunt, ut cito nimis omnem sensum fugiant, quam ut ad finem prosequi possimus.

XLI. Omnia hæc vasorum genera connexa sunt inter se ope membranæ cellulosæ tenerrimæ; neque certum & determinatum servant situm aut decursum, nunc aëreis medium locum occupantibus, nunc arteriosis, nunc venosis; alibi his superioribus, alibi illis; ita ut magna observetur in quacunque pulmonis portione differentia (c).

XLII. Totus denique pulmo vestitus est membrana propria, in statu naturali externe rore quodam madida, hinc pleuræ contigua quidem in homine nato, non vero continua.

XLIII. Ex data hac pulmonum fabrica apparet, quod simili gaudeant systemate vasorum ac illud est aortæ & venarum cavarum, eatenus ergo actio foret eadem; verum pulmones hominis, in aëre viventis, motu respiratorio agitantur continuo, nunc expanduntur, nunc comprimuntur per varios gradus; hinc aliæ accedunt conditiones ad ἀνατομολογίαν intelligendam scitu necessarias. Considerabimus nunc primo pulmones modice expansos, in statu medio inspirationis, de expirationis & inspirationis planioris statu post acturi.

XLIV. Cor dextrum itaque quando se evacuat sanguine,
cui

(a) Eustach. Tab. xxvii. f. 13. Ruisch. Thef. iv. N°. xli.

(b) Eust. T. xviii. f. 2. d. d. d. Vieuss. Tab. xxi. (c) Vide Morgagn. adv. anat. v. animadv. xxx. p. 44.

cui chylus permixtus est, pellit hunc per ostium suum arteriosum in pulmonalem arteriam.

XLV. Canalis hicce non vacuus est, sed repletus humore, mox præcedente cordis contractione istuc pulso; in hunc itaque incurrit hæc massa, ipsumque propelleret versus ramos minores, dum qui ibi hæreret sanguis, impetu a corde communicato, proxime sequentem removeret; sicque per minimas arteriolas in venas protruderetur sanguis; ni resistentia ibi major esset, quam vis cordis est propellens: verum jam illa prævalet, quod probant exempla eorum, quorum arteriæ ad cor callosæ vel & ossiæ factæ, canales inde modo trajectorii evasere, unde sanguis ægre propellitur, fiunt palpitationes cordis, animi deliquia, polypi, tandem mors.

XLVI. Resistentia hæc potest considerari tanquam potentia pellens a finibus arteriarum versus cor; vis autem cordis agit contraria directione, hinc ex corde expulsa massa est quasi inter duo plana parallele prementia, quibus comprimitur valide.

XLVII. Præterea est arteria hæc pulmonalis, ut præque in corpore, cōnoidea convergens; ex cujus figuræ natura Hydraulici demonstrant, quod si liquor a basi versus apicem moveatur, necessario magna ipsius pars in latera fluat, major vel minor, quo magis vel minus convergit canalis. Hac itaque de causa fit attritus inter hæc & humorem; motus liquor premit latera, & quoniam nulla est actio sine reactione, premitur ab ipsis.

XLVIII. Verum arteria non rigida est valde aut immobilis, neque ab ambientibus partibus adeo compressa, quin sit distensibilis his viribus, ideoque cedit, dilatatur in toto ambitu, unde capacitas tanto augetur, ut majorem hanc sanguinis quantitatem condere facile possit. Neque diu tamen sic dilatata manet, sed ultra naturalem terminum extensa, statim, vi elasticâ & muscolari, contrahit se, restituitur non solum in pristinam capacitatem, sed & arctatur magis, parietibus ad se mutuo accedentibus. Mox iterum
corde

corde contracto dilatatur, contrahit se denuo; hæcque dicta systole & diastole cordis & arteriarum per totum vitæ cursum reciprocantur continuo.

XLIX. Effectus hujus contractionis insignes sunt, I^o. repelluntur particulæ distendentes, obliquâ fere omnes directione versus axin arteriæ longitudinalem; feruntur in eas, quæ ibi celerius multo ex legibus hydraulicis fluerent; hæc deflectuntur a via; miscentur cæteris; fit inde motus intestinus, graviorum ac leviorum, solidiorum ac fluidiorum, omnium diversæ indolis miscela intima, combinatio; & quoniam hic motus in omni arteriæ puncto accidat, directio motus particularum, repercussio, attritus, omni modo, continuo mutatur, fit rotatio particularum, tornatio, detritio vel complanatio angulorum, si qui eminent; caloris & fluiditatis conservatio. II^o. Premitur tota massa; hæc cedere conatur quaquaversum; pelleretur ideo eo, ubi minor est resistentia, quam Hydraulici evidentissime demonstrant in basi esse, quæ in hoc canali ad cor invenitur, ideoque huc moveretur sanguis. Verum omnis a corde impressus motus ad dilatationem arteriæ impensus non est, tendit itaque adhuc a corde ulterius decedere; & quod magis huc facit, in ipso initio arteriæ, sive ostio hoc cordis arterioso, machinulæ sunt, retrogressum in cor impediennes, valvulæ semilunares vel semiutriculares hodie dictæ (*d*); suntque tres tales, ita dispositæ, ut dum sanguis ex corde premitur, applicentur parietibus arteriæ; liberum sinant transitum; ubi vero ad cor fluere conatur liquor, explicentur ipsæ, uti vela ventis, margines conveniunt, & quo magis urgentur, eo accuratius & perfectius viam intercipiunt; neque rumpi aut distendi nimis possunt, satis tenaci membrana constantes, & a tergo sustentatæ sanguine in corde jam iterum præsentē: imo angulum, quem tres illæ arcus intermedium relinquerent, implent vulgo
cor-

(*d*) Eustach. T. xvi. f. 4. E. E. E.

corpuscula quædam triquetra dicta (*e*), quæ tamen aliquando defunt omnino, aliquando exigua adeo, ut vix invenias, uti mihi videre licuit. Hæ itaque valvulæ ibi sanguinem sistunt, hinc tota massa comprimitur, compingitur, condensatur, concrescibilis redditur, minores particulæ uniuntur in majores, dum volumen totius minuitur (quæ præcipua est rubedinis causa, & ponderis aucti), pelluntur omnes versus apicem canalıs, i. e. per ramos, in quos divisa est arteria, in pulmones, atque per eosdem, quantum fieri potest; ubi iisdem iterum actionibus sunt expostæ.

L. Accedit his omnibus pulmonales arterias non recto procedere, sed incurvas esse, inflexas vario modo, unde memorati effectus augentur.

LI. Consideravimus hucusque Pulmones, leviter aëre expansos, quales in homine nato, capaciora thoracıs cava implentes, semper sunt; quæ ipsa expansio in inspiratione augetur per gradus, in expiratione minuitur.

LII. Peracta jam inspiratione, i. e. thorace per sua instrumenta, diaphragma, musculos intercostales, aliosve, dilatato, aër libere ingressus, asperæ arteriæ ramos, ramulosque implet, divaricat, angulos auget, vesiculas inflat, has sphaericas vel sphaeroideas reddit, puncta contactus minuit, interstitia auget, vasa arteriosa, venosa exporrigit, liberiora reddit & latiora, hæc transitum expediunt, liberum faciunt, dum laxè tantum, ope membranæ cellulosæ vesiculis adnexa, cedere possunt inter puncta, quibus se vesiculæ tangunt, a compressione se subducunt.

LIII. Dicet autem quis in hac pulmonum distensione, vesiculis expansis, vasa elongabuntur quidem, sed simul distrahantur, hinc minus erunt capacia, tenuiora. Vera diceret, nisi vasa collapsis pulmonibus plicata essent (*f*), hisque expansis exporrigere.

(*e*) Morgagn. adv. an. i. p. 21, 22, IV. 139

(*f*) Winslow.

gerentur modo ; quare dubito quammaxime , an unquam in nobis contingat vasorum distractio , ut aliqujus sit momenti ; præsertim si attendamus quod collapsi pulmones ægerrime impleantur , aëre expansi facillime ; ut docet Swammerdammius (g).

LIV. In hoc itaque pulmonum statu descriptæ actiones in humorum massam pergunt , quæ in ramos continuo minores propulsa , divisa , horum omnium vires patitur ; hæ quo arteriæ , cæteris paribus , decrescunt magis , increscunt ipsæ , majores fiunt ratione fluidi contenti ; si enim arteriæ diameter ad quartam partem diminuitur , sedecuplo plures globuli frictionem ad parietes patientur , ideoque omnia hæc fiunt , quæ (XIV ad L) recensita , majori tamen efficacia. Ubi autem eo perventum est , ut unus globulus ruber omnem arteriolæ capacitatem impleat , erit ille totius ambitus pressioni expositus , quæ si augetur , elongabitur globulus in filamenti speciem ; si major adhuc pressio , in minores globulos dissulturus.

LV. Hoc tamen tempore si tam magnas , saltem non majores mutationes sanguis subit , quam in aortæ arteriæ systemate (si propiorem aëris attactum , & majorem velocitatem excipias) ; in hoc enim æque conditiones omnes recensitas observare licet , quodque itaque hac ratione totum assimilationi humorum inservit.

LVI. Mox autem thorax arctatur , comprimit pulmones , exprimit aërem ; quo expresso , asperæ arteriæ rami incumbunt iterum sibi invicem , vesiculæ planiores fiunt , interstitia minuuntur , vasa comprimuntur successive , complicantur eadem , fiunt pulmones minus permeabiles.

LVII. Hæc dum fiunt , insignior pulmonum est actio. Humor namque contentus premitur magis , comprimitur fortius ; vasa per gradus innumeros angustata ad minimam capacitatem , ita ut qui rami modo sanguineos rubros globulos

(g) De Respirat. p. 82, & 96.

30 DISSERTATIO PHYSIOLOGICO-MEDICA

bulos amplecti poterant, nunc serofos vix, aut lymphaticos possint vehere, globosas particulas compingunt, elongant, majores comminuunt in minores, forte & in minimas frangunt, a se invicem separant, dividunt, secretiones faciunt frequentissimas, vix tamen permanentes; quum tota massa, circuitui per universum corporis systema vasorum aptior sic reddita, in venulis protrusa, in ramulos harum sensim majores colligitur, commiscetur, non ita comprimitur, tandem velocissime in truncos confluit, sicque specie sanguinis spumantis, floridioris, rubicundioris quam in corde dextro fuit, in sinistri cordis specum infunditur.

LVIII. Ex hoc utriusque pulmonum statu, de intermediis judicare facile posse puto, si addatur ne per duo momenta omnino quiescere pulmones, sive exspirat homo, sive inspirat, sive aërem retinet immoto thorace, qui calore loci expandit se, agitur continuo, promovet circulationem.

LIX. An autem præter dicta Aër aliud quid efficit? an sanguini admiscetur? an huic colorem rubrum conciliat? quem usum præstant pulmonibus arteriæ & venæ bronchiales? quem nervi?

LX. Aërem in refrigerium pulmonum adduci, quod nonnulli statuere, benigne explicatum ferri potest; in calidiore enim aëre animalia varia patiuntur symptomata ac pereunt (b). Præterea vaporem, ex myriadibus in pulmonibus arteriis exhalantibus eructantem, secum aufert in expiratione, ac plurimo inservit usui, uti loquelæ, tussis, sternutationi, &c. de quibus nostrum in præsentis non est agere. Verum utrum sanguini admisceatur in pulmonibus, decantata valde est quaestio. Multi e recentioribus præclari viri negantes (i) sunt, multi

(b). Boerh. Elem. Chem. T. I. p. 276. sq. . . . (i) Vid. Higmor. Harvæum, Needham, Pitcarn. Michelott. Hoffmann. &c.

multi e contra non minus celebres affirmavere (*k*), cum Veteribus omnibus: experimenta experimentis opponuntur, quorum alia non rite instituta esse accusantur, alia non sup-
 peditare consequentias, quas inde trahunt institutores, eorumque asseclæ. Si tantas inter lites tantorum virorum mihi imperitiori partem eligere liceret, vix abstinere possem, quin cum summo olim hujus Academiæ Lumine, Boerhavio, dicerem:,, id nequit fieri in arteriis, neque ullo experimento constat in venis (*l*); admittit sanguis aëra certa proportionem, non ultra; si conamur quassatione plus aëris admiscere, frustra fumus, nam repellit, vel in bullas seorsum collectum inviscat, qualis sanguini infusus noxius valde est. Est tamen in aëre virtus quædam abscondita, quæ ex qualitatibus hætenus in aëre exploratis, intelligi non potest, admodum salutaris vel necessaria vitæ animalium vegetantiumque. Credibile est hanc per meatus patulos absorptam, ingredi pulmonales venas. Utique avicula in recipiente magno, aëre communi, frigido, pleno, sed quam accuratissime clauso, post tres quadrantes moritur. Piscis in vase clauso in aquâ sine renovatione aëris, brevi perit; moritur in lacu, undique congelata, sub glacie; vitam cito emittit in aqua, unde aër eductus est. Ovula quorumcunque insectorum, in vitris accurate clausis non producunt, licet tepore fota, foetus. Semina plantarum rite macerata, optimæ commissæ terræ, atque exquisito excitata calore, non tamen crescunt, neque dant signa vitæ, ullo modo actuosæ. Contra vero sanguinis de vase educti superficies, contigua aëri, coccineo fulget colore; in omni vero parte sua, ubi ab aëre non attingitur, nigrescit instar succi sepiæ; simulac autem nigerrima hæc superficies attingitur ab aëre, ilico nigritudo iterum in
 coc-

(*k*) Inter hos sunt Swammerdam. Helvet. Borell. Berger. Bernoill. Ruifsch. aliique. (*l*) Inst. Med. §. 201.

coccineum colorem permutatur (*m*) „. Ad colorem itaque sanguinis aërem aliquid conferre posse videtur. Si vero alicui fallax suspicatur hoc ultimum experimentum ex gravitate particularum sanguinis specifica, is mecum consideret, quod frustum lienis humani (asserente Cl. B. S. Albino, præceptore meo nunquam satis laudando, in publicis privatisque lectionibus) plumbei fere coloris, in aëre suspensum, colorem acquirat floridum, qui sensim sensimque altius penetrat, neque a pondere globulorum excitari potest, qui in vasis contenti decidere nequeunt; quin & totus ambitus, superne æque ac inferne & in lateribus, læte rubicundus evadit. Neque putredo hujus coloris causa est, qui salem alcalinum volatilem reddens, sanguinem rubere facit, prius enim hic color observatur quam putredinis metus est.

LXI. Quam maxime itaque puto aëra inter alimenta atque nutrimenta corporis esse recensendum; nam licet summo opere sit divisus, tamen æque partem essentialem solidorum ac fluidorum animalium constituere videtur, ac aqua, terra, cæteraque principia, semper omni examine in ipsis inveniendus, & maxime ad vitam protrahendam necessarius.

LXII. Bronchiales arteriæ pulmonibus datæ sunt, ut ex arterioso sanguine fierent secretiones & nutritio, quibus venosus ex pulmonali arteria non adeo idoneus est. Venæ sanguinem ex his reducem vehunt ad dextrum cordis ventriculum: cavet enim Natura ne venosus sanguis in sinistrum infundatur; quare ipsæ hujus coronariæ venæ, paucis valde parvis exceptis, non in sinistram cordis caveam, sed in dextram se exonerant (*n*). Nervi, uti in aliis partibus, vitæ, motus, ac sensus sunt ministri.

LXIII. Omnes itaque actiones, & inde producendos effectus qui considerat, magnam equidem assimilationis partem

(*m*) Boerhav. Elem. Chem. T. II. process. CXXVII. No. 1. & Tom. I. pag. 266 & 267. (*n*) Eust. Tab. XVI. f. 2. c.

tem inde pendere percipiet; quippe densitas, soliditas five pondus auctum, rotunditas particularum, inde blandities, color ruber, divisio molecularum in minores, earum sequelæ observantur.

LXIV. Nolim tamen ita intelligi, ac si statuerem simplici per pulmones circuitu hæc omnia absolvi, chylum in sanguinem mutatum esse; Lac enim contrarium demonstrat, & vel insigni temporis intervallo post pastum, chyli lactescentis copiam cruori innatare observavit Lowerus (o); sed sensim & successive, iteratis circulationibus, eo quidem celerius, eo perfectius, quo validior est actio vasorum, cæteris paribus; hinc in robustis & exercitatis subita assimilatio, in languentibus ac debilibus tarda. Pulchre hæc omnia apparent in virginibus chlorosi laborantibus, & dein idoneis medicamentis, & justo vitæ regimine sanatis; harum enim sanguis prius vix in rubram insulam concrecibilis, dissolutus, vel & iners lentusque, glutinosa tenacitate immeabilis, hinc ad varias obstructions frigidas faciendas pronus; non ruber, sed rubellus tantum instar loturæ carnis, ad justas secretiones non idoneus; aucto vasorum robore & actione, compactus magis, blandior, coccineo fulgens colore, aliisque boni sanguinis criteriis præditus, felicem curationis eventum probat. Eædem sedentariam vitam nimis amantes, si negligunt restauratum robur sustinere corporis exercitiis, post paucas septimanas, in eundem morbum incidunt, æque pallidæ, æque debiles fiunt quam fuere antea (p). Dum e contra ubi extra modum augetur vasorum actio, sanguis obscure rubet, solidior est ac densior, concrecibilitas aucta adeo, ut si brevi tempore extra corpus quiescit, supra nigram fere insulam, ferum, excluso omni rubore, in crustam seu pellem durumam, tenacem lardi instar, albam subcærulescentem concrecat, i. e. nascitur *διάθεσις φλόγισμὴν* (q): quæ phœ-

no-

(o) de Corde p. 245. (p) van Swieten comm. p. 34. (q) Boerhav. Inst. Med. §. 820.

nomena potius ab hac quam ab alia causa deducenda esse existimo.

LXV. Verum enim vero singulas inter chylum & sanguinem discrepantes dotes perpendens sedulo, non sufficere iudicabit has conditiones ut fiat verus sanguis, serum, lymphæ, &c. alcalescunt hæc semper e sano corpore educta, longe alia dant producta, si chemice tractantur. Possent tamen & hæ mutationes a pressione & calore ortæ esse; acidissima enim acetosa satis compressa in aëre calido, in putrilaginem æque abit, ac alcalinissima cochlearia (r). Sed si sufficiunt hæ actiones, unde tanta inter unius & alterius animalis sanguinem differentia? unde tanta inter unius ac alterius hominis? Qui fit ut dexterrimi & ingeniosissimi Mechanici, ut subtilissimi Chemici ex nullo alimento vel unam guttulam sanguinis producere valeant? Qui fit ut post magnas hæmorrhagias robustissimi homines, vasis sui fortissimis, etiam si jura carniū aliaque optima ingerant avide alimenta, non bonum faciant sanguinem, sed languidi in hydropem incidant? Nihil superest, nisi forte & in ipsis nostris humoribus sit vis quædam assimilandi aliena sibi. Hanc generaliter jam proposui; hanc singularem cuiusvis liquido nostro inesse ut credam suadent observationes.

LXVI. In Embryone humano, simulac oculis lustrari potest, jam adest sanguis ruber; in pulli rudimentis jam quarto incubatus die punctum rubrum sanguineum apparet (s), quo tempore nec pulmones visibiles sunt, nec vasa arteriosa; hicce sanguis augetur dein, assimilatur in suam naturam individuum, propriam *ιδιοσυμμεταστον*, inexplicabilem ut plurimum, servans pertinaciter. Quod & de aliis humoribus crederem. Inde forte partim miri isti morbi hæreditarii, & gentilitiæ prædispositiones, de artis medicæ

(r) Boerh. Chem. Tom. II. proc. LXXVIII.
Gener. Anim. p. 66.

(s) Harv. de

cæ potentia triumphantes, & vix ab alia causa producenda. Imo ubi bonus sanguis cocochymica labe semel est infectus, immutatis adhuc vasis, non sani & naturales fiunt ex alimentis humores, sed morbofi, & eodem vulgo vitio inquinati. Vera dixit Sydenhamus, ajens quod, ex lege naturæ, quodlibet principium activum sui simile procreare satagat, & quæ ei cumque obsistunt, ad propriam indolem inflectere atque adcommodare (*t*): quo etiam fundamento nititur utilissimum illud Hippocratis effatum: „Impura corpora quo magis nutriveris, eo magis lædes (*u*)„ Cauti itaque Medici diætam his præscribant singulari cocochymixæ oppositam.

LXVII. Hisce & similibus inducti argumentis eo pervenire nonnulli, ut affirmaverint ab hac sola vi, vel spiritu vitali (ut vocant), totam pendere sanguificationem; hanc esse actionem similem; nihil huc facere cordis aut vasorum actionem; sanguinem solum sui ipsius esse fabricum, &c. (*w*). Ad quam explosam jam fere sententiam hoc unicum respondeo: in debilibus tum æque ac in robustissimis corporibus, modò bonum sanguinem habentibus, felicissime procedere debere sanguificationem. Id, quod falsissimum. (Vide LXIV.)

LXVIII. Elaboratus hisce (XLV. ad LX.) modis sanguis, cordi sinistro infusus, ex eo per totum aortæ arteriæ systema, omnesque ejus ramos ramulosque, majores minores ducitur, in quibus elaboratur ulterius iisdem (XL. ad L. & LIV.) actionibus. Verum quia omnis generis humores in corpore requiruntur, separationes atque secretiones, quæ in minoribus ramulis contingunt, permanent diutius; imo nec sufficiunt simplices tales modi, ad diversissimos adeo humores conficiendos, ac ad vitæ & sanitatis integritatem sunt necessariae; quapropter varia nobis dedit Natura organa, compositæ magis structuræ, se-

(*t*) Oper. Univers. pag. 248.

(*u*) Aphorism. II. 10.

(*w*) Glisson. Anat. Hepatis pag. 357. seqq. Charleton. Exercit. de Sanguific.

secratoria atque excretoria , ad quæ sanguinea massa jugiter movetur.

LXIX. In illis pro varia distantia cordis , varia vasorum amplitudine , laxitate , firmitate , robore , crassitie , substantia , cursu , reptatu , distributione in ramulos , horum inflexione , numero , singulari fine (x) , humores diversi , diversa copia , pressione , propulsione , velocitate , resistantia , missione , divisione , distributione , separatione , moventur ; quæ omnes conditiones innumero modo combinari possunt ; hinc , & forsan ob alias etiam accedentes causas , nondum satis perspectas , varius & determinatus paratur humor , qui mora & stagnatione aliquando insigniter iterum mutatur (y) , ut Naturæ scopo attingendo aptus evadat magis.

LXX. Modum autem & causas , quibus in hoc vel illo organo , talis & non alius paratur , v. gr. in Parotidibus saliva , in Hepate & Vesicula fellea Bilis , in Testibus semen , ignorare me , cum ingenuis celeberrimisque viris , fateor ; quos neque pudet ea nescire , quæ vel sagacissimum ingenium deteget forte nunquam (z). Hoc unice videmus , quod in organis , quæ inter se similia apparent , similia conficiantur liquida , uti in Parotidibus ac Pancreate videre est ; in dissimilibus autem dissimilia parentur , quod Cerebrum ac Glandulæ folliculosæ evidenter docent.

LXXI. Si itaque ex ingestis alimentis per. descriptas actiones chylus fit , ex chylo lac & serum , ex hoc sanguis , ex sanguine liquida tenuiora omnis generis ; tantumque cujusque classis reparatur , quantum amittitur ex eadem , fit nutritio perfecta quoad humores , sin minus diversi diversissimæ faciei morbi oboriuntur.

LXXII.

(x) Ruisch. Thesaur. Anat. I. aff. II. N. VII. Not. I. Thes. II. aff. IV. N. II. Not. 3. &c. (y) Schwenke Hæmatolog. pag. 72. (z) Vid. Regii Oration. Inaug. de Homine Autom. pag. 58.

LXXII. In hæc autem liquida totus chylus, tota sanguinis massa converti non potest, aut hæc ipsa semper utilia persistere; ideoque gaudemus etiam Excretoriis organis, quorum ope particulæ, quæ oeconomiae nostræ nocituræ forent, sive abundantes sint aquosæ, sive immutabiles atque insuperabiles, sive actione corporis acriores redditæ, vel de hoc ipso abrasæ, emendantur, ut liberati ab hisce humores sua munera rite perficere, aut & in solidorum substantiam corpori naturalem abire possint.

C A P U T T E R T I U M.

De Solidorum Reparatione.

L X X I I I.

Partes solidas sive firmas (quas promiscue usurpor voces) corporis humani voco omnes illas, quarum particulæ ita inter se cohærent, ut potius apparens massa moveatur, quam hæ separentur soluta cohæsione.

LXXIV. Complectitur hæc Definitio mollissimum æque cerebrum, ac rigidissimos dentes. Non ignoro equidem firmam nostram massam, chemice consideratam, ab omni volatilitate & fluore alienam, terrestrem dicendam, valde esse exiguam. Vastissima namque ossa, diu calcinata valido igne, parum modo terræ relinquunt (a): Cadavera hominum, postquam per aliquot annos in sarcophagis computruere, speciem humanam servant, sed levi concussu collabuntur omnia, tangentis sub digito cedunt, & in pauxillum pulveris faceffunt. Horruit inde Cæsar

Au.

(a) Boerhav. Elem. Chem. Tom. II. proc. cxx.

Augustus Alexandri Macedonis tumulum aperiens , quod orbis terrarum Domitor in tantillos cineres conciderit.

LXXV. Physiologo tamen puto licere , omnes illas partes , quas Antiquitas continentes appellavit , solidas seu firmas vocare , etiam si ex solidis & fluidis sint concretæ ; fibras enim musculares , membranas , cartilagine , &c. , quis solidas dicere negabit ? hæ ipsæ autem magnam ratione molis quantitatem fluidi contineant.

LXXVI. Quin & omnia nostra solida , paucissimo forte excepto , ex fluidis duxere originem , ex fluidis accrevire , ex fluidis quoque restituuntur quotidie. Adultus enim homo , ducentas libras pendens , in prima sua origine latuit in spumantis libidinis guttula , & ex tantilla molecula excrevit in tam vastum pondus ; totum illud augmentum in solidis partibus per fluida allatum fuit (b).

LXXVII. In solidorum itaque reparatione investiganda dicitur ordo ; esse primo eorum Materiem , atque Partes constituentes examinandas , dein Vias & Actiones , quibus fluida ad omnes has perveniant , ut nutrimentum adferant , & tandem Modum , quo hoc in illas convertatur.

LXXVIII. Materies five Principia , ex quibus Chymia nostra solida docet esse composita , sunt singularis Spiritus , Rector nunc vulgo dictus , Aqua , Oleum , Sal , & Terra , abundantior in his quam in fluidis (c) , cujusque rationem partis soliditas sequitur , ita ut quo plus terræ contineat , eo sit solidior pars , & contra. Hisce addi merentur Aër (d) , Ignis (e) , forte & principium martiale , ut plurimum in omnibus nostris solidis inveniendum.

LXXIX.

(b) Van Swieten Comm. p. 20. (c) Boerh. Elem. Chem. T. II. proc. cxx. (d) Muffchenbr. Differr. Inaug. cap. 11. (e) Havers Diff. Inaug. pag. 17.

LXXIX. Hæc sunt, quæ Chemici demonstrant, ignem ad separandum adhibentes, cujus valida actione mutantur ita quædam ex hisce, ut a naturali statu plane sint aliena. Num quis enim putat salem in nobis esse vere alcalinum? num quis oleum acre, rancidum, aut empyreumaticum, & instar picis tenax, qualia Chemici ostendunt? Certe ne in acutissima quidem febre, putrida dicta, verus alcalinus sal detegitur (*f*); & quam teterrima mala olei ranciditas producat, quis Medicorum nescit? Imo si hæc artis producta miscentur omnia iterum inter sese, nihil fere de pristina referunt indole.

LXXX. Si Anatomicos de Partibus nostris solidis consulamus; Hi in ipso corpore ante oculos ponent Ossa, Cartilagines, Membranas, Viscera, Vasa, Nervos, &c. quæ omnia nutritione indigent.

LXXXI. Omnes hæ partes, licet inter se quam diversissimæ, hoc commune habent, quod sint præditæ vasis, majoribus vel minoribus, pluribus vel paucioribus; & quidem vasis, cum corde & magnis illis truncis, aorta scilicet arteria & venis cavis, communicantibus.

LXXXII. Hoc nec Antiquissimos latuit Medicinæ Antistites: „ a Vena cava, & ab arteria reliquæ venæ in corpus disperguntur (*g*); Hæ sunt humanæ naturæ fontes, „ hincque flumina excurrunt, quibus corporis alveus irrigatur, „ dicit magnus Hippocrates (*h*). Manca tamen admodum fuit Horum de Vasis doctrina, qui sive sola sectione, sive prosequendo stylum vel setum vasis immissum, non nisi majora detegebant, minora neutiquam. Quo factum est, ut multas partes exsanguis dixerint (*i*), multum tribuerint visceribus *παρεγχυμα*, ut Erasistratus primo

(*f*) Boerh. Aphorism. par. 89. Van Swieten Comm. in Aph. Boerh. p. 130. & 131. (*g*) Hippocr. Libr. de Carn. p. 250. (*h*) De Corde p. 269. (*i*) Galen. de Temper. Libr. I. ad finem. Vesal. Libr. III. c. XIV. p. 349. & Libr. VII. c. IV. p. 542.

mo vocavit (*k*), five rubram mollemque substantiam, nuper concreto sanguini quam simillimam, nisi quod durior sit; uti describit Vesalius (*l*).

LXXXII. Nobis autem artificiosa vasorum impletio multo plura, multo subtiliora vascula detegit, & totum fere corpus humanum, præter epidermidem & ungues, vasis refertum esse demonstrat.

LXXXIII. Verum post felicem hanc Ruischii, aliorumque industriam, recentiores multi Medici totum quantum corpus nostrum tubulosum fecere, atque omnino non nisi ex canalibus seu vasculis constare asseruere (*m*). Et licet ipse Ruischius candide fateatur, se in amnio humana, & arachnoide cerebri vasa nunquam potuisse detegere, (*n*), facile excusabant argumentum negativum, vel ab exilitate vasorum, cui liquidum coloratum respondere non potest, vel alio impedimento in ipsis vasculis inveniendum; præsertim dum jam Anglus quidam in epidermide se vasa demonstrare posse jactitaret, fallaci utens præparato. Quin & eousque exculta, & ornata est a quibusdam hæc doctrina, ut affirmaverint omnia nostra solida ex meris nervis, aut vasculis illis in omnibus simillimis constare (*o*).

LXXXIV. Serio tamen meditati, atque aliorum non minus Celeb. virorum sententiam animo volventi, quædam obvenire dubia, quæ non prurigne obloquendi viris, quos veneror, sed veritatis amore, meliora addiscere cupidissimus, proponam.

(*a*) Probatum minime est constare corpus totum ex vasculis; dum contrarium potius docent injectiones; semper enim, ut ut felicissime sint hæ factæ, remanet aliquid non impletum; quod si pars impleta maceratur in aqua, emolli-

(*k*) Refer. Laurentio in Anat. p. 123. (*l*) Libr. V. c. VII. p. 433. & 434. (*m*) Vide Epist. ad Archib. Pitcarn. pag. 374 seqq. (*n*) Epist. IX. pag. 10. (*o*) Santorin. de Nutritione §. xxxvi. pag. 128.

litur, secedit, specie mucis aquam turbat, dein fundum petit, si vero exsiccat, humido suo, quo turgebat, privatur, contrahitur, vasis distensis se applicat, circumcrescit; unde hæc assurgunt, pulchrius in conspectum veniunt, merum vasculosum tegmen mentiuntur: quare ubi recens impletio facta est, infeliciores videntur, & ubi post aliquot dies examinas, vasorum numerus quasi auctus apparet. Hæc materies in quibusdam partibus vasis multum exsuperare videtur: sic in medio ossæ, in cartilaginibus, qua parte ossium mobilium articulos obducunt, & in dentibus apparet. Imo quis unquam cellulofam dictam membranam, tam multam in corpore, aut fibras musculares tum carneas, tum tendineas ex vasis demonstravit constare? In visceribus alia est ratio; ex majoribus vasis hæc esse composita evidens est; sed an hæc iterum ex minoribus omnino sint conflata, quæstio est, quam nondum concedo. Aorta quidem arteria ex minoribus constare vasculis dicitur, hincque ad alias fit conclusio. Verum docet accuratissimus naturæ humanæ contemplator, Cel. B. S. Albinus, hoc specie tantum apparere, quoniam circa aortam est contextus vasorum, in membrana cellulosa, qui, exsiccatâ aortâ, videtur ejus parietem facere, sed in recenti totus separari potest, manente aorta integra.

(β) Si omnia nostra solida constarent ex vasis, hæc ex minoribus, nulla foret differentia in partibus, nisi qui ab eorum amplitudine, laxitate, cursu, cæterisque (LXIX) enumeratis qualitatibus penderet; sed hæc singularum partium insignem varietatem exhaurire non videtur, & elasticam cartilaginum, coriaceam cutis, ac scrupream dentium materiem majori diversitate quam quæ hæc est, discrepare puto; ita ut potius crederem hancce ab intima substantiæ, cuique propriæ, fabrica pendere.

(γ) Concessum licet fuisset, in origine & prima infantia ex canaliculis seu vasculis constituisse corpus nostrum, facile tamen foret demonstrandum, jam diu ante pubertatis tempus; aut adultum statum, myriades vasculorum esse de-

perditas, five externa sustentatione corporis, quod aliqua parte niti debet, five vi ipsius vitæ, aut alia de causa, compressas, contractas, vel & una cum suo liquido contento concretas: quod anatome & injectiones etiam probant; quibus eo plura deteguntur vascula in corpore, quo hoc origini est propius, exceptis tantum in organis generationi dicatis.

LXXXV. Si itaque demonstrari nequit, nec etiam est verosimile, ex vasculis, cujuscunque sint generis, omnino conflatum esse corpus, multo minus probabile est, ex nervis stricte dictis, de cerebro aut cerebello oriundis, solida nostra confecta esse: sunt enim multæ partes, tam paucos, tam exiguos nervos habentes, ut vix millesimam partem hi efficiant, ne dicam quasdam esse plane nervis destitutas (*a*). Negat etiam nemo multa esse animalia, quorum fibræ humanis fatis sunt similes, quæ tamen neque cerebro, neque nervis sunt prædita. Quod autem dicunt cerebrum in Embryone ratione molis totius maximum esse, demonstrat tantum, Naturam has partes prius perficere, ne edito jam infante anima suis instrumentis careret, absque quibus homo humanam agere vitam non posset, & præterea quia caput postea difficiliter cresceret, dum dura ossa ossibus opposita resisterent.

LXXXVI. Probabilius itaque nobis videtur, esse quidem in solidis vasa plurima, esse tamen & in ipsis materiem, ex tubulis, regularem quamdam longitudinem habentibus, non constantem, sed singulari, sibi propria, structura gaudentem, variâ quidem pro varietate ipsius partis.

LXXXVII. Neque magni est momenti, quæ a nonnullis proponitur difficultas, ex nostra hac hypothesi secutura, quod vel debet hæc materies per totum vitæ decursum eadem manere nec renovari; vel debent esse viæ, per quas veteres particulæ eliminantur, novæ adferuntur, quas vasa esse oportet.

LXXXVIII.

(*p*) Vid. de Pia Matre Heist. Comp. Anat. p. 133.

LXXXVIII. Perdurare partes solidas, neque aliquid de his perdi, aut ipsis apponi, ubi corpus semel adultum est, credidere quidem egregii in arte nostra viri, idcirco incrementum corporis veram nutritionem vocantes, conservationem, notham (*q*); imo fuere qui solidas adulti hominis partes easdem esse nec majores contendunt, quam quæ in staminibus suis seminalibus primitus fuere; nutrimentum maxime idoneum distendere quidem posse solidarum partium substantiam dicentes, eam tamen augere, quicquamve ei addere non posse, & proinde nulla unius animalis partem alterius partem posse fieri. Et hinc imbelli nostræ rationi submittere satagunt sacrum religionis nostræ mysterium, quo, eadem fato functa corpora, divinâ potentiâ rediviva, olim credimus fore excitanda (*r*).

LXXXIX. Nos autem eorum tenemus partem, qui sincero ratiocinio, ex vario tum etiam obtinente corporis statu, multisque experimentis & observationibus, concludunt, solida æque ac fluida accrescere, expelli, refici, mutari (*s*), ita ut ne per duo quidem momenta plane idem simus, sed in continua mutatione consistat vita humana, corporisque integritas (*t*).

XC. An vero perexigua illa particula firma, quæ in prima embryonis conformatione, tenelli corpuseculi basin facit, per cuncta vitæ stadia maneat, nec deteratur, aut avolet; sed in decrepito sene æque ac in recens formato fœtu adsit, licet in illo millenis aliarum particularum solidarum intermixta & unita, uti castissime philosophans *Nieuwentytius* statuit; hanc ideo strictè *Corpus proprium* Hominis individui vocans (*u*), sub-

ti-

(*q*) Bohnius circuli Anat. p. mih. 119. (*r*) Vide Epist. ad Archib. Pitcarn. pag. 377. (*s*) Boerh. Instit. Medic. §. 435.

(*t*) Bernoulli. Statuit singulis diebus 3ijß veteris materiæ decedere & de alimentis resarciri; ideoque Homo octogenarius facile vigesies quater esset mutatus. Diss. de Nutrit. 16, 20.

(*u*) Regt gebruik der Wereld Beschouwing. p. 872. seqq.

subtilissima est quæstio, quam altioribus ingeniis dijudicandam relinquo: dum sufficit pro nostra sententia reliquas corporis partes solidas, quas dictus Auctor *Corpus visibile* vocat, una cum fluidis renovari. Debent itaque omnino viæ esse, per quas fluida penetrant, quas ipsas non necessario vasa esse, sequens ostendet consideratio.

XCI. Omnes nostræ partes solidæ conflatae sunt procul dubio ex minoribus partibus constituentibus, hæ iterum ex minoribus sunt concretæ; & quis asserere audet, quantam in subtilitatem hæcce procedat divisio? in infinitum tamen progredi non potest, sed ultimo erit perveniendum ad minimas quasdam particulas, quæ jam tales extitere, antequam hujus vasis aut hujus parenchymatis partem constituere. Hæ ipsæ particulae, licet exiguae adeo, ut omnes imaginationis limites excedant, hinc cujus sint figuræ aut conditionis determinari non possit, corporeæ tamen sunt, nec elementa simplicia, sed corpuscula elementata, quæ figura quadam certo certius erunt prædita, atque vi aliqua, quæcunque demum hæc sit, cohærescunt inter sese; & quidem determinata hac lege—solida nostra constituent, ne illius sint figuræ aut tali acervata modo, ut lineæ cohæsionis perpendiculares coincident in directum cum parallelis, i. e. ut contactus particularum, singulas succedentes series constituentium sint in eodem plano; aut ut perfecte solida ac dura suis superficiebus penitus se mutuo tangerent. Nulla namque pars est nostri corporis, molem apparentem habens, quin motu aliquo manifestiore vel obicuriore mutari possit in sua figura, flecti, torqueri, extendi, distendi, hinc elongari, abbreviari etiam, per varios gradus. Si vero perfecte solidæ ac duræ particulae suis superficiebus penitus se mutuo tangerent, nulla vi, utcunque magna, in se comprimi, ideoque neutiquam abbreviari vel contrahi possent, sed massam facerent perfecte quoque solidam ac duram, auro specificè gravio-rem, & omnino impermeabilem; quod omni experimento contrarium. Ast ubi ita cohærent ut particularum se-
ries

ries succedentes singulas constituentium contactus in eodem essent plano, ubique totus rectangulus foret superpositus toti plano alterius rectanguli, unde minimo accedente motu divellerentur particulæ a se invicem, solveretur cohæsiō, & destrueretur pars. Quod quum maximopere sit vitandum, tales in modos solida nostra constructa non esse, cum Bellino (*w*), & Santorino (*x*), asserere audeamus.

XCII. Hisce exclusis, nullus alius est constructionis modus, qui non ubique spatiosa sive porulos inter particulas relinquit intermedia, varia quidem quoad magnitudinem, figuram, communicationem, prout varia est ipsarum particularum figura & coacervatio. Hac igitur ratione ipsum partium nostrarum parenchyma dictum porosum esse ac pervium, evidens est. Vasa insuper omnia, quoniam conicam habent figuram vel cylindricam, cujus utriusque sectiones, ad canalē axin perpendiculares, circulares sunt, non nisi in punctis sese cotingere possunt; unde ex horum adunatione, si parallelum observarent decursum, canales fiant triangulares, quadrangulares, &c. pro numero vasorum constituentium; si vero intertextum, spiralem, aliumque, nunquam ad amussim inter se uniantur ita, ut nulla intercedat vacuitas seu intercapedo inter unum & aliud, quod solum figuris pentagonis, quadratis, & triangulis æquilateralibus competit; quare cum his figuris non donentur, omni modo cavitates relinquant, per quas subtilissimum, si adest, liquidum agitari potest.

XCIII. Videtur hæc omnia jam perspexisse magnus Hippocrates, dum diserte scribit: „ quicquid enim mini-
„ me coaleuit cavum est, quod dum homo valet, spiritu
„ quidem, dum vero ægrotat, sanie plenum est. Habent
„ itaque brachia huiusmodi carnem, habent & femora,
„ habent & tibiæ &c. nam & thorax dictus, quo jecur
con-

(*w*) de Contract. Natur. & Villo contract. p. 248. (*x*) Opusc. med. p. m. 9, & 14.

„ concluditur, & capitis orbis, in quo cerebrum comprehenditur, ipsumque dorsum, cui annexi sunt pulmones, hæc omnia prorsus sunt vacua multis intervallis repleta, quæ fere vasorum naturam obtinent, (y). Nam forsitan non immerito concluditur, quod emphaticis his verbis non tantummodo indicare voluerit divus senex, majores partes valde dissimiles, contiguas licet sibi invicem, non ideo continuas esse, sed cavitates relinquere naturaliter spiritu sive rore repletas, præter naturam autem sanie densiori; hoc enim in dissectione vivorum animalium, moribundorum ac mortuorum, manifeste apparet, neque perspicacissimi viri oculos, qui insuper Democrito coætaneus fuit, fugisset. Hic ipse interim addit: „ neque enim sanie, eorum, quæ dicta sunt, quicquam oculis intuenti conspiciere licet „.

XCIV. Admissis jam hisce de partium constructione, difficile non erit explicare actiones, quibus per has vias fluida nutrimentum adferentia ad omnes partes perveniant.

XCV. Hæ in universum triplicis generis esse possunt. 1^o quidem cor atque arteriæ humores per totum corpus distribuunt, venarum ope reducendos. Possset forte in hoc ipso transitu per vasorum parietes liquidissimum quid impelli, vel & imbibi simplici attractione, ut vocant hodierni Physici: porosos enim hos esse evidens est, poris tamen hiant non valde amplis, sed numerosissimis; hinc idem obtineret quod in tubis capillaribus, ac in spongiis videmus. In illis fluida ad insignem trahuntur altitudinem, nec minus in his; parte enim modo sui fluido immersæ per tempus si relinquuntur, turgidæ, humidæ, fluido plenæ factæ reperiuntur. 11^o Per vasorum tunicas, naturali suo motu pelluntur forte liquidissimæ partes, maxime ex arteriosis vasis. Systolen hæc & diastolen reciprocant: in diastole dum cavitas augetur, distenduntur parietes, i. e. particu-
læ

(y) Libr. de Arte p. 6.

læ horum a se invicem recedunt magis; pori redduntur ampliores, in quos directe feruntur particulæ liquidum constituentes. Si itaque minores sunt tales particulæ quam capacitas est pororum dilatatorum, in hos penetrare possent. Brevissime post fit contractio vasis, particulis hujus iterum propius ad se mutuo accedentibus, quibus trudentur impulsæ aut rursus in cavitatem vasis, aut ulterius extra hanc diffundantur, aut ubi pressio ad neutram partem prævalet, impactæ ibi mancant, donec denuo fiat dilatatio. Verum III^o. ex minutissimis arteriolarum ramulis verosimillimum est, imo demonstratum fere, ubique ultimos quosdam, in perangustam subtilitatem tenuatos, inter firmas partes definire (z); quin vel in ipsas harum fibras se demergere (a). Per has ergo patulas, communi circuitus vi & propria systole, id quod tenuissimum est expelli potest; quod calore corporis, motuque tonico partium agitatum, semet inter omnes particulas distantes diffundere, sicque in intimos solidorum recessus penetrare, hosque permeare poterit.

XCVI. Binis prioribus modis magna videretur primo intuitu quantitas humorum ex vasis majoribus, minoribusque, per horum parenchyma penetrare posse; præsertim si additur *ἀναλογία* Polypi cujusdam animalculi, accuratius hodie cogniti. Hoc, postquam alimentis implevit tubulum, truncum seu corpus suum facientem, & ramulos cum hocce communicantes, quos artuum loco habet, quietum hæret; digeruntur alimenta, succos imbibunt parietes canalium; aut etiam movet se subtilissimo & simul celerissimo motu quasi peristaltico, hoc respectu motui systolico ac diastolico nostrorum vasorum analogo; impelluntur tunc elicitæ ex alimentis homores, diffunduntur quoque per totum corpusculum; uti in pellucido animalculo post

in-

(z) Ruisch. variis in locis. (a) B. S. Albin. Hist. Muscul. Hom. p. 11.

ingesta colorata alimenta oculis apparet. Verum dispar est valde animalculum hocce a vasis nostris majoribus; hæc enim robustis ac tenacibus constant membranis; illius substantia mollissima est muci instar: in vasis nostris majoribus humores continuo, celeriter, progressive, moventur; in Polypo hærent eodem loco alimenta, donec fiunt exsucca: sunt etiam vasa nostra politissima, atque lento quodam humore obducta, qui in ipsis tunicis secretus, sese superficiei internæ affigit, hanc facit lævissimam, detritum hujus, qui cæterum ingens foret impediens, sed & simul ingressum humorum difficiliorem reddens. In minimis autem, quæ pulposam habent mollitiem, neque validum motum ferre possent, aut ferunt, transudationem hanc, si-
ve διαπνοήσιν naturalem fieri posse, nihil impedit, quin potius in utrisque par est ratio.

XCVII. Tertio autem modo permeare liquida partes firmas hominum æque ac aliorum animalium ipsa docet αὐτοψία; felicissime enim si implentur vasa, ultimo subtilissima pars liquoris ex finibus arteriolarum exsudat, quæ roris specie per ipsum parenchyma penetrat (b); quod vel in duris ossibus passim observatur.

XCVIII. Modum nunc, quo quædam ex fluidis in solidam substantiam abeunt, varius statuitur ab Auctoribus. Fuere, qui ipsum chylum in ventriculi poros se insinuare, atque crudam hancce materiem cum illius substantia concrefcere, sicque nutriri contenderunt (c). Alii sanguinem rubrum inter solidas partes incuneari, & cum his condensari putarunt (d). Alii de crassissimo hoc humore ad omnium subtilissimum Nerveum liquidum transiverunt, atque hocce unicum existimarunt & deradere particulas minimas de

(b) Ruisch. Thesaur. IV. No. XCVI. pag. 43. Thesaur. max. No. CXII. (c) Laur. Joubert Decad. 2. parad. 5. Æmil. Paris. de subtil. Lib. v. exerc. 3. c. 2. (d) Fernel. de Funct. & Hum. Lib. VI. c. 1.

solida nostra substantia, & eodem tempore se in deperditarum locum intrudere, atque vi concomitantis liquidi affigi (e). Alii e contra fibras alimentorum in liquidis latere asseruerunt; hasque se fibris humanis apponere, & cum iis uniri, ita ut quæ modo vegetabilis aut alterius animalis fibra fuerat, mox esset humana (f). Alii denique longe aliter rem fieri crediderunt.

XCIX. Horum omnium sententias si crisi submittere, cunctaque argumenta proponere, atque ad ea respondere vellem, vix finem possem huic dissertationi imponere: quod ideo supersedeo, eam modo sententiam descripturus, quæ inter reliquas probabilissima mihi videtur, & quæ, si apodictice demonstrari non potest, verosimilis saltem valde est, & ad varia phænomena in justa æque ac depravata nutritione explicanda maxime accomodata.

C. Per Aortæ systema deferri humores quosdam ad omnes corporis partes vidimus. In majoribus hisce vasis nutritionem fieri probabile mihi non videtur (vide XCVI.). Præterea ut particulæ nutrititiæ concrescendi cum solidis occasionem nanciscantur, requiritur 1^o. motum neque intestinum neque progressivum esse velocem admodum, sed pacatum, tardumque; velocitas enim motus nixum, quem particulæ in cohæsionem haberent, superans, deterendo aptior est quam apponendo. Requiritur 11^o his ipsis particulis alias multas interpositas non esse, quibus involventibus semet extricare non facile possent, neque ideo concreescere. In majoribus autem vasis hæc impedimenta etiam sunt maxima, quæ cum ordinibus illorum decrescunt; ita ut quo in minora adiguntur humores vascula, eo majorem concrescendi opportunitatem acquirant. In minimis motus superpressior est, ipse humor magis assimilatus, & a crassioribus, non ita idoneis particulis, quæ in toto itinere separan-

(e) Santorin. de Nutritione No. XXXVI. pag. m. 128.

(f) Epist. ad Archib. Pitcarn. p. 380.

rantur; plurimum liberatus: in his itaque maximam, quam in vasis obtinere possunt, concrescendi occasionem acquirunt.

CI. Ille tamen humor, qui minima vascula replet, atque ibi movetur, heterogeneus adhuc est, ex particulis inter se diversis constans; e quibus agiliores celerius in media axi movebuntur, inertiores tardius & ad latera. Videntur autem inertiores esse illæ, quæ in naturam vasculorum jam maxime sunt assimilatae: non quidem quod hæc essent majores, vel alia de causa ex sua propria natura minus mobiles; sed quia, ut docent Physici, inter particulas corporum similium insigniter viget vis quædam, quam attractionem, nixum in cohæsionem, vel & amorem mutuum vocant: qua scilicet vi talia corpora ad se invicem moventur, ac se mutuo firmiter retinent. Si igitur hæc inter vasculorum particulas, ac has ipsis prope assimilatas datur, efficiet ut semel ab axi deflexæ istuc non facile redeant, sed lentiore motu ad latera procedant, imo cohærescant quædam illis.

CII. Quandocunque autem datur occasio (XCV & XCVI.) maxime assimilatae particulae in his vasculis præsto quoque erunt, ac præ aliis parietes intrabunt; in quibus, dum ab heterogeneis magis adhuc sunt liberatae, quiescent fere; agglutinabuntur quædam particulis solidum jam constituentibus, atque cum his concrescunt, hunc in modum ipsa vascula nutriendes.

CIII. Verum quoniam vidimus antea (LXXXVI.) præter vasa in corpore aliam esse substantiam, non sufficiet vasa nutriri, ni & hæc ipsa restituatur. Potest hujus nutritio fieri dum vel particulae quædam ex ipsis vasculorum cavitatibus in hanc substantiam transsudantes, multiplici assimilatae actione, tandem adhærescunt. Vel potest ille ex ultimis arteriolarum finibus (XCVII.) exhalans ros, partium solidarum interstitia replens, continere huic operi idoneas particulas; ex his apponi id, quod coagulabile est, adhæsurum propria visciditate. Certe hoc etiam modo par-
tes

res quasdam nutriri, videntur nos docere ipsa, quæ in homine vivo, osse fracto, vel & tendine vulnerato, apparent phænomena. Ubi enim os frangitur, tum primo corrumpitur superficies, color hujus mutatur, frustula quædam decidunt; ubi hoc factum est, crescit os iterum, effuso ex vasculis succo, qui ad osseas fibras adhærens, cogitur in similem osseam naturam; hæc primo mollis, dein dura ut ipsum os evadit.

CIV.. Singularis præterea nutritionis modus in unguibus contingere videtur. Hæc enim dura corpora, licet omnis sensus expertia, nutritione tamen non carent, sed descissæ continuo recrescunt. Hæ, quum nullis vasis ipsis propriis gaudent, aliunde nutrimentum depromere necesse habent; quod ita fieri autumarem. Qua parte mollioribus suis radicibus cuti inhærent ungues, numerosa patent vascula arteriosa: exsudantes inde particulae, quæ in nutrimentum oedunt, se primo his radicibus apponent: accedentes post has proximæ iterum his se apponent, simulque antrorsum ipsas protrudent; & sic porro: unde tandem, quæ primo ad radicem fuere particulae, in extremitate inveniuntur. Atque hoc experimentis est congruum; macula enim indelebilis facta prope lunulam, aut foveolam, successive per longitudinem unguis propelli observamus, donec, quoniam sæpe extremitates descindimus, in ipsum limbum pervenerit, atque dispareat. An & tali modo Pilorum nutritio fit & incrementum? Sed vasculosum involucrum a nonnullis est detectum.

CV. His ita generaliter propositis, subtilissima illa occurrit quæstio; nempe qui fit, ut tam diversæ solidæ partes, quales sunt ossa, muscoli, viscera, nervi, &c. suo proprio alimento nutriantur, nec fiat confusio, ita ut os carnea substantia, caro e contra ossea nutriatur, sicque naturæ ordo turbetur? Hæc certe quæstio, si quæ alia, semper cruditorum animos torset: unde tot fere extant sententiæ, quot celebriores fuere Physiologici scriptores;

52 DISSERTATIO PHYSIOLOGICO-MEDICA

ex quibus utrum probabiliorem ſeligere poſſim, experiar.

CVI. Quæcunque hæc ſit differentia, aut jam erit in illo humore, qui ad partem nutriendam affertur; aut ipſa hæc pars illam efficiet; aut junctis viribus in hunc finem operabuntur. Poſterius crederem.

CVII. In humore jam aliquam diverſitatem locum habere probabile redditur eo, quod ſingularum partium vaſa, arterioſa præcipue, ab illis alius partis plurimum ſemper differunt, ita ut expertiſſimus Ruiſchius ex ſola horum diſtributione partes dignoſcere poſſet. Dum itaque per innumeras diſcrepantes vaſorum ſeries circumducitur ille humor, præparabitur, ac mutabitur, ut ad ſingularis determinatæ partis nutritionem aptior evadat. Inſignis hæc viſa eſt quibusdam aſſimilatio; imo Cl. Nesbit in ſanguine, qui ad oſſa fertur, ſcrupeas particulas, oſſium nutrices, inveniffe refert Hallerus (g). Quæ res aliis perſpecta adeo non habetur.

CVIII. Verum ut ut jam quædam habeatur in humoribus diverſitas; non tamen hæc omnio ſufficiet. Ubi enim nutritiæ particulæ primo cohærent, molliſſimam quandam faciunt materiem, vix a fluido differentem; unde ulterius in ſolidiorem ſubſtantiam plus vel minus cogi neceſſe habent. Hæc quoque res explicatu non admodum difficilis eſt; dum elater ſive motus partium tonicus aſſimilatas particulas poteſt compingere magis, puncta contactus augere, interimque alienas particulas ſeparare; quæ hoc ipſo motu, ut & calore corporis agitatae, diffundi, diffari, aut alicubi venulis reſorbentibus recipi; ſic tandem communi circuitui humorum reddi poſſunt.

CIX. Sed & alia requiretur inſuper aſſimilatio, ut inſignis illa quarundam partium diverſitas (LXXXIV. β.), quæ a majore minoreve cohæſione, & eſurgente inde firmitate aucta

(g) Prælect. Boerh. pag. 661. in notis.

aucta vel imminuta absolvi neutiquam videtur, eadem maneat. Præterea neque efficere hæc potest, ut eadem partes in variis animalibus tantopere differant; sunt enim multa, quæ iisdem alimentis pasci possunt, & eadem gaudent circulatione. Hæc ipsa tamen, licet a prima civitate iisdem stabulis inclusa, nullum patiuntur in vitæ genere discrimen, nullum in aëre, nullum in cibo potuve, distinctissimas semper carnes exhibebant. Unde quæso hæc differentia constans? an non probabile idcirco est ipsas quoque partes firmas in sui assimilationem operare? Neque prodigiosum hoc, aut a consueto Naturæ ordine alienum censeat quispiam; namque & extra corpus animale tale quid fieri oculis intuemur. Magnes lapis vires suas quas possidet trahendi ferrum, huic ipsi communicare potest, imo ferrum in alterum magnetem mutare (*b*). Quidni & in animalium partibus talem a Creatore vim inditam esse credemus, qua proxime jam assimilatas particulas in suam vertunt naturam, sicque individuum sibi propriam substantiam conservare satagunt.

CX. Si quis tamen me rogat, quænam illa vis sit? quomodo operetur? in quibus consistat? ingenue ignorantiam fatebor; neque ulli mortalium in hæc, aliaque Naturæ arcana, penetrare concessum esse, existimo.

Hæc sunt B. L. quæ de Nutritione Corporis Humani conscribere nunc potui. De præstanti adeo materie equidem agnosco, plura ac meliora scribi debuissent; sed tenuitas ingenii, limitesque dissertationi academicæ impositi prohibent. Quædam tamen eo spectantia, levi adhuc digito attingere decrevi; quæ tibi sequentia sistunt.

(*b*) Musschenb. Elem. Phys. §. 510. & 514.

A D N E X A.

I.

An subtilissimi Nervorum spiritus, in primis viis & glandulis mesenteraicis, affunduntur chylo? An ei character animalitatis imprimere conantur? si verum est, quod sint . . .vi canales spiritus vehentes, res non est improbabilis.

II.

An ut ejusdem naturæ substantia, cujus pars est nutritione indigens, adferatur, quot diversæ reperiuntur partes, tot etiam peculiare in vasis sunt glandulæ, determinatum talem humorem secernentes? Ignoscat Cl. Havers, si hanc suam hypothesein ut subtile figmentum considerem.

III.

An corpus non ultra naturalem statum crescit, quia æquilibrium tum obtinet inter vim fluidorum distendentem, & cohesionem solidorum resistentem; quod ut plurimum circa annum vigesimum quintum ætatis contingeret? An non obstat huic sententiæ, quod laxiores fœminæ raro eousque increscunt, ac robustiores viri? An non satius est dicere, causam hujus rei nos latere; fundatam esse in instituto Creatoris?

IV.

Quod tempus impendunt humores, ut circuitum a corde sinistro ad dextrum semel absolvant omnes? Respondebunt incauti; pensiculate rem excutientes determinare non audebunt.

V.

An ex eo, quod descisso vel ligato nervo, in parte, cui ramos tribuit, nutritio cessat, vel depravatur saltem, apodictice demonstratur, nervorum liquidum esse proximam nutritionis materiem? Certe aut qui ita concludere, allucinati sunt; aut ego allucinor.

VI.

Anne ulli est credendum Chemico, remedia ad vitam pro lubitu prolongandam commendanti? An non mortui promissores longe ante diem sibi propositum, suo semet exemplo satis redarguunt? Ratio præterea docet, naturam sui ipsius saluti intentam, se ipsam destruere, & mortem esse inseparabilem vitæ effectum.

PRÆ-

PRÆSTANTISSIMO JUVENI

Amico integerrimo

JOANNI ROG-AAR,

Se summos in Medicina honores consecuturum, scribenti

S. P. D.

HENRICUS DE BOSCH, M. D.

Accipe, ab Amsteliis, carmen, quod mittitur oris,
JANE, sodalitii pars modo prima mei.

Scilicet, insolitos incensum corda per ignes

Inciat in metricos litera lecta modos.

Et mihi, cui nunquam faciles in vota fuerunt

Musæ, sponte fluunt verba, ligata pede.

Jam mea mens dulces repetit, quas trivimus, horas,

De nostris studiis colloquiumque frequens.

Sæpe dabant verbis Physices phænomena nostri

Materiem; & Physicis juncta Mathesis erat.

Sæpius unanimes Medicam laudavimus Artem;

Ars ea cura tibi est, Ars ea cura mihi.

Campus & ô quoties nostris sermonibus amplius

Corporis humani machina mira fuit.

Hujus enim cæcos nobis, ALBINE, recessus

Pandebas, medici lausque decusque chori.

Quam nos herbarum vires, ROYENE, juvabat

Mellifluo, memini, discere ab ore tuo.

Exemplo, GAUBI, merito quo Leida superbit,

Corpora non quænam torsumus igne, tuo?

Et, det cultori fructus, memoravimus inter

Talia, quam largos Ars operosa suos.

Nce

Nec mihi, JANE, minus, tibi quam præcepta fuisset
Aurea SCHACHTIADIS conticuisse, nefas.
Tam dulci vitæ socio gratatur honores,
Et fundit festo carmina Musa die.
Ominor; inspicies hæc vultu, JANE, sereno,
Quæ; non compta licet, mittit amica manus.
Non tamen est animus, doctrinæ dicere laudes,
Ingenii dotes nec celebrare tui.
Quin potius caro pia vota precabor amico,
Votaque lætitiæ sint tibi signa meæ.
Eia age, & egregiis spartam virtutibus orna,
Quam mox committet Leida superba tibi.
Confugium miseris esto, & spes certa salutis,
Et fausto morbos omine pelle malos.
Digna tuis deerunt meritis neque præmia; pergas
Tu modo, cœpisti quo pede, JANE. Vale.

Dabam Amstelodami V. Junii.

Ann. MDCCXLIV.

PRÆSTANTISSIMO DOCTISSIMOQUE

JUVENI

JOANNI ROG-AARO,

Summos in Medicina honores consecuturo.

Tempus erat fomni placidum, nigrantibus umbris,
Obruerat gratus lumina nostra sopor.
Somno florilegos juvenes per prata vagantes
Vidi, qui pulchre pollice ferta parent:
Dumque operis socios nituntur vincere, flores
Certatim vario quisque colore legunt.
Diligit hic croceos, nitidos hic, alter odoros,
Ille legit violas, carpit at ille rosas.
In me coniectis oculis accedere fundens
Talia verba mihi visa caterva fuit;
Hæc tibi sincero junctus ROG-AARUS amore
Per nostras referet ferta parata manus.
Dicta recordatus statui conscribere carmen,
Et dare lætitiæ plurima signa meæ.
Quum crines meritos ornat diademate Pallas,
Quumque tuæ inponet ferta caterva comæ,
Non ego te nostris ausim, dilecte, tacere
Versibus: hunc festum concelebrabo diem.
Te Cirrhæ docuit Phœbus, ROG-AARE, sub antro,
Te casto erudiit docta Minerva sinu.

H

Hoc

Hoc tua scripta probant concinnis edita verbis,

Quomodo queis monstras omnis alatur homo.

Musarum in castris stipem meruisse cupisti,

Atque operi fuetas atteruisse manus

Displicuit nunquam tibi, nec subiisse laborem

Affiduum, pro quo splendida dona capis.

Hæc meruit tua sedulitas, hæc præmia virtus,

Vix ullus tanto dignus honore fuit.

Hinc concedetur facilis tibi cursus, amice,

Hinc placido duces candida vela mari:

Hinc tibi laus ingens, feros hinc nomen in annos,

Longæva hinc veniet gloria, summa seni:

Hinc tu curabis, cruciant quos tormina dira,

Hinc pressis morbo dulce levamen eris.

Sed moror ipse tuas longis ambagibus aures,

Te data sincero pectore vota juvent!

Vive diu prosper! tibi sic Moderator olympi

Adspirans cœptis annuat usque tuis!

Sis felix medicus! sis gaudens incola celsi,

Cum claudas gelida lumina morte, poli!

LEONARDUS NICOLAUS ESGERS.

TER

TER INWYINGE
VAN DEN HEERE
JOANNES ROG-AAR,

Tot Leeraar der Geneeskunst.

Waar toe spoort gy myn' yver aan
ô Vriendschaps pligt! ô Zang - Godinne?
Laat af te stormen op myn zinnen!
Ik moet uw prikkels tegen gaan:
Zoud' ik, als Icarus, te hoog bestaan te vliegen;
En niet, als hy, my zelv' bedriegen?

Zoud' ik, ô ROG AAR! uwen Lof
Myn pen, myn swakke pen bevelen?
Door drift verblint, my durven strelen,
Niet te beswyken in die stof?
Of zoud' ik, onbevreesd Apollo te verstoren,
Myn doffe klanken laten horen?

Neen: Laaten, wien een ryker geest,
Een milder Digtaâr is gegeven,
Hun vlugge Lier zo hoog doen streven,
En zingen uw Bevorderingsfeest.
't Gebeurt Apelles maar, een groten Alexander
Te mogen malen; en geen ander.

*'t Is my genoeg dat ik, myn Vrint!
Langs Esculaaps gewyde trappen
Ten hogen Leerstoel u zie stappen,
Daar gy der kunsten Eerkrans wint;
Daar gy, vertrouwende niet op geleende kragten,
Gescherpte pylen af durft wagten;*

*Daar uwe tong uw' Lof zelf melt,
Wen zy door onweérlegbre reden
Geheimen, wond'ren, duysterheden,
Als 't Dagligt klaar voor ogenstelt :
Terwyl de Leeraarschoet, omvlogten met Laurieren,
Vast wacht om uwe kruyn te sieren.*

*Streef, streef zo voort op de Eerebaan!
Volg meer, gelyk gy hebt begonnen,
Het spoor van die, als heldre Zonnen,
Aan 't hoog gewelf der Wysheid staan!
Hoop u dus roem op roem, met vlyt op vlyt te hopen,
Waar voor geleertheid is te kopen!*

*Zo moet ge een stut den swakken zyn,
Den wreden Doot een geessel strekken,
Den roof uit zyne kaken trekken!
Meng tegengift voor zyn venyn!
Zo moet zich de Amstel, zo moet 't kunsten kwekent Leiden
Zich in zoo 'n voedsterling verblyden.*

J. BILDERDYK.
M. St.

A A N D E N
H E E R E
J O A N N E S R O G - A A R ,

*Als zyn Ed. tot Leeraar der Geneeskunst
bevordert wierd.*

K L I N K - D I C H T .

Ik volgde uw Broeder met de tzaam' gevloëide ryen,
Toen hy den Predikstoel te *Oosthuysen* korts beklom;
Nu treedt myn Zangeres u na in 't Heiligdom,
Daar zoo veel Dichterén u juichende geleyen;

Nu ze u aan Hippocraat', en aan Galeen ziet wyen,
ô ROG-AAR, in 't gezicht van een' geleerdendrom,
Die in 's Lands hooge school, gekoomen van alom',
Om zich hier te oeff'nen in de kunst der Artzenyen.

Wel aan, hier vind gy van uw neerstigheid het Loon,
Wat staat die gloriepalm op uwen kruin niet schoon!
Vaar'voort! gy zult méér roem en aanzien nog verwerven.

Volg *Schacht*, volg *Gaubius*, *Van Royen*, en *Albien*,
Zo zal men aan het Y in u een *Bronkborst* zien,
En gy bewaard uw naam aldus voor het versterven.

J: V: D: S:

H 3

TER

TER INHULDIGING

VAN DEN HEERE

JOANNES ROG-AAR,

Tot der Medicynen Doctor.

Hier word de naarstigheid met Lauweren gekroont;
Heer ROG-AAR, lang de roem der Leidſche Jongelingen,
Verkrygt door deugt en vlyt, dat men hem toe mag zingen;
Zie daar de vrugt uw's werks, en uwe vlyt geloont.

d' Opregte Liefde, die ſteeds in uw herte woont,
Doet my ter uwer eer der Digt'ren rang in dringen;
Uw ongeveinsde deugt zal voor myn onkund' dingen;
'k Vertrouw uw Vriendschap, my zo menigmaal getoont.

Geluk, myn Heer, nu gy het eind van uw' verlangen,
Het Meesterschap koomt in die ed'le Kunst te ontfangen,
Die 't Menschdom in den noot haar blyde byſtant biest.

Kom tot my over in het Volkryk Amſteldamme,
Tot hulp van vrienden, en tot roem van uwe ſtamme,
Tot redding van de koorts, van ziekte, of Lyfsverdriet.

L. P. VAN EYK.

TER INWYINGE
VAN MYNEN BROEDER,
JOANNES ROG-AAR,

Tot Leeraar der Geneeskunst.

Gy ziet, myn Broeder, thans het Loon voor al uw vlyt;
En klimt ten hoogste plaats by Eskulapus-zoonen,
Daar gy uw kloek belyt met Lawren ziet bekroonen,
Daar elk U toejuicht en zig in uw heil verblyt.

'k Betoon myn blydschap ook op dees gewenste tyt;
In wens en beede, dat in U altoos mag woonen
Verstand, voorzigtigheid, die ned'rig zig vertoonen
By veele Leid'ren, U ter redding toegelyt.

God maake U zoo bekwaam, datge als een Flonkerster
Uw ligt moogt schieten, by uw nabuur, endat ver
Uw naam roemrugtig werde, dat al de Wereld waage?

De kunst der Artsenij maake U altoos bemind',
Dat veele sieken, door genesingen verbind,
Om U als hunnen Arts een dankbaar hert te dragen.

A. ROG-AAR.

THE NEW YORK

LIBRARY

ASTOR LENOX TILDEN FOUNDATION

1215 Broadway, New York, N.Y.

Gift of the New York Public Library, Astor Lenox Tilden Foundation, 1911. This volume is one of the series of books published by the New York Public Library, Astor Lenox Tilden Foundation, and is intended to be a permanent addition to the library.

The New York Public Library, Astor Lenox Tilden Foundation, is a non-profit organization, and its purpose is to collect, preserve, and make available to the public the books, manuscripts, and other materials of the New York Public Library, Astor Lenox Tilden Foundation.

The New York Public Library, Astor Lenox Tilden Foundation, is a non-profit organization, and its purpose is to collect, preserve, and make available to the public the books, manuscripts, and other materials of the New York Public Library, Astor Lenox Tilden Foundation.

The New York Public Library, Astor Lenox Tilden Foundation, is a non-profit organization, and its purpose is to collect, preserve, and make available to the public the books, manuscripts, and other materials of the New York Public Library, Astor Lenox Tilden Foundation.

ASTOR LENOX TILDEN FOUNDATION